


第二
 劔南詩鈔

柳田文庫
 文庫11
 D 156
 20





序

古來詩人富於詩者莫如渭南。或謂其語多重沓，據情貌景，不能遠攬窮搜，而僅工於體物，是將以淺淺之識，沒作述之苦心耶？夫樂無定聲，而務和其節，繪無定狀，而期肖其形。渭南之詩，惟其意之自得耳，其志夸宕，故于節也和，其思刻苦，故于形也肖。當其細入毫芒，幽窮影響，固隱如風雨之集，而莫測其端；而隊仗鮮明，冠服偉麗，時又何嘗不如西山校射，獵騎千羣，別館張筵，從官百輩乎？且獨不見夫惓惓憂國之詩耶？自夫神京陸沉，偷安南渡，渭南以一書生，蒿目當塗，轡孤躍馬之思。

周序

文獻 11
D 156
20

神西泉

010190554266

48-12191

既老不釋觀于家祭無忘之語千秋而下亦為長慟此其用心與子美何以異詩云爾哉若其詩之前後錯出譬之深山大澤包含者多不暇剪除蕩滌豈如守半畝之宮一木一石可屈指計數而顧欲以此傲彼乎舉今世皆俎豆陸詩余何庸辨而芟多節寡差謂與作者之意不大謬云

雪蒼氏題



劍南詩鈔

五五

陸游字務觀越州山陰人十二能詩文監補登仕郎鎖廳薦送第一秦檜孫墳居次檜不說明年試禮部復置游前列檜顯黜之緣是為所嫉檜死始赴寧德簿以薦除敕令所刪定官孝宗初遷樞密院編脩編類聖政所檢討官召見賜進士出身尋免去五為州別駕西泝焚道范成大帥蜀為參議官以文字交不拘體法人譏其放因自號放翁後累遷興州再召見曰卿筆力固非他人可及同脩三朝國史實錄陸質章閣待制致仕封渭南伯卒年八十五詩章最多以居蜀久不能忘統署其豪曰劍南以是志孝宗嘗問周必大曰今詩人亦有如唐李白者乎必大以壽野人呼為小太

白劉後村謂近歲詩人雜博者堆家使字疎者瘡材料
出奇者費摻索縛律者少變化惟最翁記問足以貫通
力量足以驅使才思足以養越氣魄足以陵暴南渡而
下故當爲一大宗吾謂豈惟南渡雖全宋不多得也宋
詩大半從少陵分支故山谷云天下幾人學杜甫誰得
其皮與其骨若放翁者不寧皮骨盡得其心矣所謂愛
君憂國之誠見乎辭者每飯不忘故其詩浩瀚率律自
有神合嗚呼此其所以爲大宗也與

寄酬會學士學宛陵先生體比得書云所寓廣教僧
舍有陸子泉每對之輒奉懷

庭中下午鵲門外傳遠書小印紅屈膝兩端眞蠟塗開城
展矮紙滑細疑卵膚苦言勞良苦後問應妻孥中間勉以

仕語意極勤渠字如老瘠竹墨淡行疎疎詩如古鼎篆可
愛不可摹快讀醒人意垢癢逢肥梳細讀味益長炙穀山
膏腴行吟坐卧看廢食至日晡想見落筆時萬象聽指呼
亦知題詩處綠井石髮麤公閒計有客煎茶置風爐倘公
無客時濯纓亦足娛井名本季疵思人理豈無居然及賤
子媿謝恩意殊幾時得從公舊學鋤荒蕪古文講聲形誤
字辨魯魚時時酌井泉露芽奉瓢盃不知公許否因風報
何如

新夏感事

百花過盡綠陰成漠漠爐香曠晚晴病起羞旬疎把酒山
溪四月始聞鶯近傳下詔通言路已卜餘陰見太平聖主
不忘初政美小儒唯有涕縱橫

寄陳魯山 康時調官在下

天下無虞國論淡書生端合老山林平生功學所得處
要如今不動心舊友幾年猶短榻請官萬里少來音願公
思此寬羈旅靜勝炎曦豈易侵

出縣

鹵鹵薄領不堪論出宿聊寬久客魂稻龍牛行泥活活塋
塘橋壞雨昏昏權籬護藥纜通徑竹篔分泉自遍村歸計
未成畱亦好愁腸不用遠吳門

東陽道中

風歛烏帽送輕寒雨點春衫作碎斑小吏知人當著句先
安筆硯對溪山

東陽觀除醮

福州正月把離杯已見醮醮壓深開吳地春寒花漸晚北
歸一路摘香來

送杜起莘殿院出守遂寧

羽檄聯翩晝夜馳臣憂顧不在邊陲軍客地密寧當議陛
下恩深不忍欺白簡萬言幾動哭青編一傳可前知平生
所學今無負未歎還鄉兩鬢絲

聞武均州報已復西京

白髮將軍亦壯哉西京昨夜捷書來 作千年計天

意寧知一日回列聖仁恩蔽雨露中興赦令疾風雷懸知
寒食朝陵使驛路梨花處處開

喜小兒輩到行在

阿綱學書蚬滿幅阿繪學語 木截竹作馬走不休小

車駕羊聲陸續書窗旋壁誰尋
馬飲江水敢道春風無戰塵
傳聞賊棄兩京走列城爭
爲朝廷守從今父子見太平
花前飲水勿飲酒

送七兄赴揚州帥幕

初報邊烽照石頭旋聞馬集瓜州
諸公誰聽芻蕘策吾輩空懷
呖歎憂急雪打窗心共碎危樓
望遠涕俱流豈知今日淮南路
亂絮飛花送客舟

村居

富貴功名不擬論且浮舴艋寄
煙村生憎快馬隨鞭影寧作癡
人記劍痕樵牧相諳欲爭席
比鄰漸熟約論婚晨昏夜績
吾家舊正要遺風付子孫

盆池

門外江濤湧雪堆埋盆作沼亦
何哉兒曹不解渠翁意新脫
風波嶮處來

次韻无咎別後見寄

平日盃行不解辭長亭况是送
君時幾行零落僧窗字何限
流傳樂府詩歸思恰如重醪
酒歡情略似欲殘棊龍蛇飛
動無由見坐媿文閨屬思遲

望江道中

吾道非邪來曠野江濤始此去
何之起隨鳥鵲初翻後宿及
牛羊欲下時風力漸添帆力健
鷗聲常雜雁聲悲晚來又入
淮南路紅樹青山合有詩

去年余佐京口遇王嘉叟從張魏公督師過焉魏公道
免相嘉叟亦出守莆陽近辱書報魏公已葬衡

山感歎不已因用所遺程頤亭詩韻奉寄

河亭挈手共徘徊萬事寧非有數莖黃閣相君三黜去青
雲萬事一麾來中原故老知誰在南嶽新近其此亥火冷
夜窗聽急雪相思時取近書開

自詠示客

衰髮蕭蕭老郡丞洪州又看上元燈羞將枉直分尋尺寧
走東西就斗升吏進飽諳箱紙尾客來苦勸摸牀稜歸裝
漸理君知否笑指廬山古澗藤廬山僧近寄藤杖甚奇

上巳臨川道中

二月六夜春水生陸子初有臨川行溪澗橋斷不得渡城
近卧聞吹角聲三月三日天氣新臨川道中愁殺人纖纖
女手桑葉綠漠漠客舍桐花春平生怕路如怕虎幽居不

省遊城府鶴軀苦瘦坐長饑龜息無聲惟默數如今自憐
還自笑斂版低心事年少儒冠未恨終自誤刀筆最驚非
素料五更欹枕一悽然夢裏扁舟水接天紅蕖綠芰梅山
下白堦朱樓禹廟邊

初夏道中

桑間甚熟麥齊腰覺語惺惺野雉驕日薄人家晒蚕子雨
餘山客買魚苗豐年隨處俱堪樂行路終然不自聊獨喜
此身強健在又搖團扇著絳蕉

上虞逆旅見舊題歲月感懷

舴艋為家東復西今朝破曉下前溪青山缺處日初上孤
店開時鶯亂啼倦枕不成千里夢壞牆聞覓十年題漆園
傲吏猶非達物我區區豈足齊

夜聞松聲有感

清晨放船落星石，大風吹颿如箭激。回頭已失廬山雲，却上吳城觀落日。夜深龍歸擘祠門，入木數寸留爪痕。明朝就視心尚慄，腥風卷地雷霆奔。歸船買酒特自慰，性命平生驚屢戲。固知神怒有定時，波紋蹙作魚鱗細。如今衰病卧林垌，霜覆茆簷月滿庭。松聲驚破三更夢，猶作當時風浪聽。丙戌十月自京口移官豫章冒風濤自星子解舟半日至吳城山小龍廟

送芮國器司業

往歲淮邊未歸，諸生合疏論危機。人材衰靡方當慮，士氣崢嶸未可非。萬事不如公論久，諸賢莫與眾心違。還朝此段宜先及，豈獨遺經賴發揮。

晚泊

半世無歸似轉蓬，今年作夢到巴東。身遊萬死一生地，路入千峰百嶂中。鄰舫有時來乞火，鼓祠無處不祈風。晚潮又泊淮南岸，落日啼鴉戍堞空。

雨中泊趙屯有感

歸燕羈鴻共斷魂，荻花楓葉泊孤村。風吹暗浪重添纜，雨送新寒半掩門。魚市人煙橫慘淡，龍祠簫鼓鬧黃昏。此身且健無餘恨，行路雖難莫更論。

黃州

局促常悲類楚囚，遷流還歎學齊優。江聲不盡英雄恨，天意無私草木秋。萬里羈愁添白髮，一帆寒日過黃州。君看赤壁終陳跡，生子何須似仲謀。

石首縣雨中繫舟戲作短歌

庚寅去吳西適楚秋晚孤舟泊江渚荒林月黑虎欲行古
道人稀鬼相語鬼語亦如人語悲楚國繁華非昔時章華
臺前小家住茆屋雨漏秋風吹悲哉秦人與虎狼欺侮六
國囚侯王亦知廢興古來有但恨不見秦先亡開窗酌汝
一盃酒等爲亡國秦更醜驪山豕破已千年至今過者無
傷憐

初寒

船尾寒風不滿旗江邊鼓神常揜扉行人畏虎少晨起舟
子捕魚多夜歸茆葉翻翻帶宿雨葦花漠漠弄斜暉傷心
到處聞碓杵九月今年未授衣

水亭有懷

漁村把酒對丹楓水驛憑軒送去鴻道路半年行不到江

山萬里看無窮故人草詔九天上老子題詩三峽中笑謂
毛錐可無恨書生處處與卿同

將離江陵

算算過渡頭且且走隄上舟人與關吏見熟識顏狀癡頑
久不去常恐遭誚讓昨日倒檣干今日聯百丈買薪備雨
雪儲米滿瓶盎明當遂去此障袂先側望卽今孟冬月波
濤幸非壯潦收出奇石霧卷見疊嶂地嶮多崎嶇峽束少
平曠從來樂山水臨老愈跌宕皇天憐其狂擇地令自放
山花白似雪江水綠於釀竹枝本楚些妙句寄悽愴何當
出清詩千古續遺唱

滄灘

百夫正謹助鳴鑼舟中對面不得語須臾人散寂無譁惟

聞百丈轉兩車，嘔嘔啞啞車轉急。舟人已在沙際立，霧斂
蘆村落，照紅雨餘漁舍炊煙溼。故鄉回首已千山，上峽初
經第一灘。少年亦慕官遊樂，投老方知行路難。

黃牛峽廟

三峽東江流，崖谷互吐納。黃牛不負重，雲表恣蹴蹋。吳船
與蜀舸，有請神必會。誰憐馬遭刑，百歲創未合。施師浪奔
走，烹飪陳酒榼。紛然餽神餘，羹飭爭噉啜。空庭多落葉，日
暮聲颯颯。奇文粲可辨，高古篆籀雜。村女賣秋茶，簪花髻
鬟匝。襍兒著背上，帖妥若在榻。山寒雪欲下，虎出門早闔。
我行忽至此，臨風久嗚咽。

巴東令廨白雲亭

寇公壯歲落巴蠻，得意孤亭縹緲間。常倚曲闌貪看水，不
安四壁怕遮山。遺民雖盡猶能說，老令初來亦愛閒。正使
官清貧至骨，未妨畱客聽潺潺。

瞿唐行

四月欲盡五月來，峽中水漲何雄哉。浪花高飛暑路雪，灘
石怒轉晴天雷。千艘萬舸不敢過，篙工施師心膽破。人人
陰拱待勢衰，誰敢輕行犯奇禍。一朝時去不自由，山腹空
有沙痕畱。君不見陸子歲暮來夔州，瞿唐峽水平如油。

山寺

籃輿遙客過江村，小寺無人半掩門。古佛負牆塵漠漠，孤
燈照殿雨昏昏。喜投禪榻聊尋夢，嬾爲啼猿更斷魂。要識
人間盛衰理，岸沙君看去年痕。
峽漲時水高數十丈，至冬盡落。

寒食

峽雲烘日欲成霞，灤水生紋漫見沙。又向蠻方作寒食，強持卮酒對梨花。身如巢燕年年客，心羨游僧處處家。賴有春風能領略，一生相伴遍天涯。

風雨中望峽口諸山甚巖作短歌

白鹽赤甲天下雄，拔地突兀摩蒼穹。凜然猛士撫長劍，空有豪健無雍容。不令氣象少滯澆，常限天地無全功。今朝忽悟始歎息，妙處元在煙雨中。太陰殺氣橫慘淡，元化變態含空濛。正如奇材遇事見，平日乃與常人同。安得朱樓高百尺，看此疾雨吹橫風。

久病灼艾後獨卧有感

白帝城高暮柝傳，幽窗搔首意蕭然。江邊雲溼初橫雁，牆下桐疎不庇蟬。計出火攻傷老病，卧聞鳶墮歎蠻煙。諸賢好試平戎策，歛退無心競著鞭。

小市

小市門前沙作隄，杏花雖落不霑泥。客心尚壯身先老，江水方東我獨西。甍想軒窗仍汛掃，遠遊書劍亦提攜。子規應笑飄零慣，故傍茆簷盡意啼。

蟠龍瀑布

遠望紛珠纓，近觀轉雷霆。人言水出奇，意使行人驚人驚。我何得定非水之情，水亦有何情。因物以賦形，處高勢趨下。豈樂與石爭，退之亦隘人。強言不平鳴，古來賢達士。初亦願躬耕，意氣或感激。邂逅成功名。

馬上

殘年流轉似萍根，馬上傷春易斷魂。烘煖花無經日蕊，漲

溪水過去年痕，迷行每問樵夫路。投宿時敲竹寺門，不信
太平元有象，牛羊點點散煙村。

鄰水延福寺早行

化蝶方酣枕，聞鷄又著鞭。亂山徐吐日，積水遠生煙。流泊
真衰矣，登臨獨惘然。桃花應笑客，無酒到愁邊。酒倒盡市
醕不可飲

岳池農家

春淡農家耕未足，原頭叱叱兩黃犢。泥融無塊水初渾，雨
細有痕秧正綠。綠秧分時風日美，時平未有差科起。買花
西舍喜成婚，持酒東鄰賀生子。誰言農家不入時，小姑畫
得城中眉一雙。素手無人識，空村相喚看繅絲。農家農家
樂復樂，不比市朝爭奪惡。宦游所得真幾何，我已三年廢
東作。

果州驛

驛前官路埃纍纍，歎息何時送我歸。池館鶯花春漸老，窗
扉燈火夜相依。孤鸞怯舞愁窺鏡，老馬貪行強受鞿。到處
風塵常撲面，豈惟京洛化人衣。

聞杜鵑戲作

半世羈游厭路岐，憑鞍日日數歸期。勞君樹上叮嚀語，似
勸飢人食肉糜。

老君洞

有石刻載唐明皇幸蜀見老君於此

丹鳳樓頭語未終，崎嶇蜀道復相逢。太清宮闕俱煨燼，豈
亦南來避賊鋒。

簡章德茂

殊方邂逅豈無緣，世事多乖復悵然。造物無情吾輩老，古

人不死此心傳，冷雲黯黯朝橫棧。紅葉蕭蕭夜滿船，箇裏約君同著句，不應輸與灞橋邊。

太息

宿青山鋪作

太息重太息，吾行無終極。冰霜迫殘歲，鳥獸號落日。秋砧滿孤村，枯葉擁破驛。白頭鄉萬里，墮此虎豹宅。道邊新食人膏血，染草棘。平生鐵石心，忘家思報國。卽今冒九死，家國兩無益。中原久喪亂，志士淚橫臆。切勿輕書生，上馬能擊賊。

淒淒復淒淒，山路窮攀躋。僕病卧草間，馬困聲酸嘶。脫兔截道奔，窮狄上樹啼。崩湍一何哀，下落萬仞谿。昏黑投孤戍，洗我衣上泥。下愚不可遷，大惑終身迷。仕宦十五年，曾不飽糠粃。客路少睡眠，月白聞號鷄。欲行且復止，虎來茆

葉低

閬中作

挽住征衣爲濯塵，閬州壘曠絕芳醇。鸞花舊識非生客，山水曾遊是故人。遨樂無時冠巴蜀，語音漸正帶咸秦。平生賸有尋梅債，作意城南看小春。

赴成都泛舟自三泉至益昌謀以明年下三峽

詩酒清狂二十年，又摩病眼看西川。心如老驥常千里，身似春蠶已再眠。暮雪烏奴停醉帽，秋風白帝放歸船。飄零自是關天命，谿被人呼作地仙。

雪晴行益昌道中頗有春意

杜陵雁下歲將殘，疋馬西遊雪擁關。顛顛敢忘雙闕路，淹遲適看兩川山。春回柳眼梅鬚裏，愁在鞭絲帽影間。安得

黃金成大藥爲人千載駐顏顏

綿州魏成縣驛有羅江東詩云芳草有情皆礙馬好
雲無處不遮樓戲用其韻

老夫棄輿忽西遊遠跨秦吳萬里秋尊酒登臨遍山寺歌
辭散落滿江樓孤城木葉蕭蕭下古驛灘聲瀉瀉流未許
詩人誇此地茂林脩竹憶吾州

晚春書懷

老客天涯心尚孩惜春直欲挽春回長繩縱繫斜陽住右
手難移故國來暑近蚊雷先隱鱗雨前燈堊正崔嵬茹芝
却粒終無術萬事惟須付一盃

晚登望雲

一出修門又十年輩流多已珥金蟬衰如蠹葉秋先覺愁
似鰥魚夜不眠輦路疎槐迎駕處苑城殘日泛湖天君恩
未報身今老徒倚危樓一泫然

醉中感懷

早歲君王記姓名只今顛顛客邊城青衫猶是鷓行舊白
髮新從劍外生古戍城旗秋慘淡高城刁斗夜分明壯心
未許全消盡醉聽檀槽出塞聲

晚雨

蕭瑟度橫塘霏微映綠牆壓低塵不動灑急土生香聲入
楸梧碎清分枕簟涼回頭忽陳迹簷角挂斜陽

社日

百穀登場酒滿卮神林簫鼓晚清悲蟬依疎柳長言處燕
委空巢大去時幼學已忘那用忌舞俗小兒女社日忌習業微聲自樂

不須醫古謂傷心故里雞豚集父老逢迎正見思

寒夜遣懷

臨觴本不飲憂多自成醉四方行萬里不見埋憂地憶替
入京都寶馬搖香鬃酣飲青樓夜歌聲在半空去日不可
挽華髮忽垂頰娟娟峨眉月相對作凄冷月落照空床不
寐聽寒蠶早知憂隨人何用去故鄉

登樓

從來好境遍人間無奈勞生自欠閒江近時時吹白雨樓
高面面看青山歌聲哀怨傳三峽行色淒涼帶百蠻嘉陽
流落愛君心未已夢魂猶綴紫宸班

西園

半掩朱門薛徑斜翠屏繡谷忽高低高高下下天成景密

密疎疎自在花江近夕陽迎宿鷺林昏殘角促歸鴉吾舟
已繫津南岸喚客猶能一笑譁

得韓无咎書寄使時宴東都驛中所作小闕

大梁二月杏花開錦衣公子樂傳來桐陰滿地掃不得金
轡玲瓏上源驛上源驛中搥画鼓漢使作客作主舞女

不記宣和粧廬兒盡能女語書來寄我宴時詩歸鬢知

添幾縷絲有志未須淡感慨築城會據拂雲祠唐中受降城在拂雲

詞

曉坐

低枕孤衾夜氣存披衣起坐默忘言餅花力盡無風墮爐
火灰殘到曉溫空橐時時聞鼠齧小窗一一送鴉翻悠然
忽記幽居日下榻先開水際門

十二月朔一日得梅一枝絕奇戲作長句今年於是
四賦此花矣

高標已歷萬花羣尚恐嬌春習氣存月兔搗霜俱換骨湘
娥鼓瑟爲招魂孤城小驛初飛雪斷角殘鐘半掩門盡意
端相終有恨夜寒絨玉倩誰溫

快晴

地闊天門斗柄回今朝紅日遍池臺新陽蘇醒春前柳輕
暖醫治雪後梅瓦屋螺青披霧出錦江鴨綠抱山來衰翁
也逐兒童喜旋撥文書近酒盃

春愁曲

客話成都戲作

處義至今三十餘萬歲春愁歲歲常相似外大瀛海環九
洲無有一洲無此愁我願無愁但歡樂朱顏綠鬢常如昨

金丹九轉徒可聞玉兔千年空擣藥蜀姬雙鬟姪姹嬌醉
看恐是海棠妖世間無處無愁到底事難過萬里橋

遊修覺寺

上盡蒼崖百級梯詩囊香腕手親攜山從飛鳥行邊出天
向平蕪盡處低花落忽驚春事晚樓高剗覺客魂迷興闌
掃榻禪房卧清夢還應到剡溪

雨後集湖上

野水交流自滿畦芳池新漲恰平堤花藏密葉多時在鷺
占高枝盡日啼繡袂寶帚催結束金樽翠杓共提攜白頭
自喜能狂在笑雙鬢殘落醉題

慈雲院東閣小憩

橫閣院東偏翛然拂榻眠香濃煙穗直茶嫩乳花圓巖倚

團團桂筒分細細泉憑誰爲題版牘作小壺天

病後暑雨書懷

髮毛蕭颯疾初平雲物輪囷氣未清
水漲小亭無路到雨多幽草上牆生
窗昏頓減警書課屋老時聞墮瓦聲
止酒亡聊還自笑少年豪飲似長鯨

怡齋

東湖仲夏草樹荒屋古無人亭午涼
萱房微呀不見日筍籜自解時吹香
野藤蟠屈入窗罅溼菌扶疎生屋梁
跨溝數椽最幽翳漲水及檻雨收牆
靜涵青蘋舞藻荇閒立白鷺浮鴛鴦
芙蓉雖瘦亦瀾漫照眼翠蓋遮紅粧
水紋珍簾欲卷却團團素扇嬾復將
天風忽送埕鈴語喚覺清夢遊瀟湘

寓驛舍

予三至成都皆館于是

閒坊古驛掩朱扉又憩空堂縱客衣
九萬里中鯁自化一千年外鶴仍歸
遶庭數竹饒新筍解帶量松長舊圍
惟有壁間詩句在暗塵殘墨兩依依

宴西樓

西樓遺迹尚豪雄錦繡笙簫在半空
萬里因循成久客一年容易又秋風
燭光低映珠簾麗酒暈徐添玉頰紅
歸路迎涼更堪愛摩訶池上月方中

江濱池醉歸馬上作

久住西州似宿緣笙歌叢裏著華顛
每嗟相見多生客却憶初來尚少年
迎馬綠楊爭拂帽滿街丹荔不論錢
浮生何處非羈旅休問東吳萬里船

醉書

似間有俸錢似仕無簿書似長免事仕似屬非走趨病能
加餐飯老與酒不疎婆婆東湖上幽曠足自娛時時喚客
醉小閣臨紅葉釣魚斫銀絲擘荔見玉膚檀槽列四十遺
聲傳故都豈惟豪兩川自足誇東吳但恨詩不進榛荒失
耘鋤何當掃織艷傑作追黃初

東園晚步

久客天涯憶故園疆名官寺只衡門秋桐蠹遍無全葉古
柳吹斜出半根痛飲每思尊酒窄微官空羨布衣尊何時
定下三巴去思卧孤舟聽斷猿

太平花

花出劔南似桃四出千百色驪華或云天聖中獻至京師仁宗賜名太平花

扶牀踉蹌出京華頭白車書未一家宵旰至今勞聖主淚

痕空對太平花

秋色

一段淒涼傷酒盃中年刺作楚囚哀迢迢似伴明河出慘
慘如隨落照來客路半生常淚眼鄉關萬里更危臺蓼汀
荻浦江南岸自入秋來夢幾回

秋聲

蕭騷拂樹過中庭何處人間有此聲漲水雨餘晨放聞騎
兵戰罷夜還營聞憑曲几聽雖久疆撫哀弦寫不成暑退
涼生君勿喜一年光景又崢嶸

龍蝦畫馬

國家一從失西陲年年買馬西南夷瘴鄉所產非權奇邊
頭歲入幾番一作皮崔嵬瘦骨帶火印離立欲不禁風吹

國人太僕空列位，龍媒汗血來何時。李公太平官京師，立
仗慣見渥洼姿。斷縑歲久墨色暗，逸氣尚若不可羈。賞奇
好古自一癖，感事憂國空餘悲。嗚呼安得毛骨若此三千
疋，銜枚夜度桑乾磧。

秋夜池上作

短髮颺颺病骨輕，臨池閒看露荷傾。月明何與浮雲事，正
向圓時故故生。

夜食炒粟有感

漏舍待朝朝士往往食此

齒根浮動歎吾衰，山栗炮燂療夜飢。喚起少京輦夢和
寧門外早朝時。

晚登橫溪閣

樓鼓聲中日又斜，憑高愈覺在天涯。空桑客土生秋草，野

渡虛舟集晚鴉。瘴霧不開連六詔，俚歌相答帶三巴。故鄉
可望應添淚，莫恨雲山萬疊遮。

犖确坡頭筇竹枝，西臨村路立多時。賣蔬近市還家早，煮

井人忙下麥遲。榮多臨井秋冬收薪茅飯急病客情懷常怯酒，山城老

景盡供詩。晚來試問愁多少，只許高樓橫笛吹。

自唐安徙家來和義山城迎之馬上作

身如林下僧，處處常寄家。如梁上燕，歲歲旋作巢。豈惟
人所憐，顧影每自嘲。眼看佳山水，不得結把茅。造物困豪
傑，如視餓虎哮。要令出精神，感激使叫呌。頗息投筆去，走
馬盤雲旂。三更冒急雪，大戰梁楚郊。

花時遍遊諸家園

看花南陌復東阡，曉露初乾日正妍。走馬碧鷄坊裏去，市

人喚作海棠顛

爲愛名花抵死狂，只愁風日損紅芳。綠章夜奏通明殿，乞借春陰護海棠。

翩翩馬上帽簷斜，盡日尋春不到家。偏愛張園好風景，半天高柳卧溪花。

花陰掃地置清尊，爛醉歸時夜已分。欲睡未成欹倦枕，輪困帳底見紅雲。

宣華無樹著啼鶯，惟有摩訶春水生。故老能言當日事，直將宮錦裹宮城。

絲絲紅萼弄春柔，不似疎梅只慣愁。常恐夜寒花索寞，錦茵銀燭按涼州。

春寒連日不出

海棠花入燕泥乾，梅子枝頭已帶酸。老去嬾尋年少夢，春分不減社前寒。著書敢望垂千載，嗜酒猶須隱一官。正是閒時無客過，小庭斜日倚闌干。

馬上偶成

城南城北紫遊韉，盡日閒行看似忙。刺水離離葛葉短，連村漠漠豆花香。夕陽有信催殘角，春草無情上繚牆。我亦人間倦遊者，長吟聊復愴興亡。

夜宴

酒浪搖春不受寒，燭花垂燼忽堆盤。山川路邈人將老，絲管聲遙夜向闌。四海交朋更聚散，百年光景雜悲歡。自憐病眼猶明在，更把名花半醉看。

錦亭

天公爲我齒頰計，遣飫黃甘與丹荔。又憐狂眼老更狂，令
看廣陵芍藥蜀海棠。周行萬里逐所樂，天公於我元不薄。
貴人不出長安城，寶帶華纓真汝縛。樂哉今從石湖公，大
度不計蠶丞蠶。夜宴新亭海棠底，紅雲倒吸玻璃鍾。琵琶
弦繁腰鼓急，盤鳳舞衫香霧溼。春醪凸盞燭光搖，素月中
天花影立。遊人如雲環玉帳，詩未落紙先傳唱。此邦句律
方一新，鳳閣舍人今有樣。

雨

映空初作繭絲微，掠地俄成箭鏃飛。紙帳光暈饒曉夢，銅
鑪香潤覆春衣。池魚鱗鱗隨溝出，梁燕翩翩接翅歸。惟有
落花吹不去，數枝紅溼自相依。

春殘

石鏡山前送落暉，春殘回首倍依依。時平壯士無功老，料
遠征人有夢歸。首着苗侵官道合，蕪菁花入麥畦稀。倦游
自笑摧頽甚，誰記飛鷹醉打圍。

小飲房園

宦遊到處卽忘家，况得閒身管物華。疎索故人緣病酒，折
除厚祿爲看花。泥新高棟初巢燕，萍匝荒池已集蛙。斟酌
人生要行樂，燈前起舞落烏紗。

卜居

歷盡人間行路難，老來要覓數年間。供家米少因添鶴，買
宅錢多爲見山。池面紋生風細細，花根土潤雨斑斑。借春
乞火依鄰里，剩釀村醪約往還。

小疾謝客

小疾淡居不喚醫，消搖更覺勝平時。癡人未害看周易，名士真須讀楚辭。綠徑風斜花片片，畫廊人靜雨絲絲。晚來頓覺清羸甚，自置篝爐煮粟糜。

過野人家有感

縱轡江臯送夕暉，誰家井臼映荆扉。隔籬犬吠窺人過，滿箔蠶飢待葉歸。吳人直謂桑曰葉世態十年看爛熟，家山萬里夢依稀。躬耕本是英雄事，老死南陽未必非。

閒中偶題

楚澤巴山歲歲忙，今年睡足向禪房。只知閒味如茶永，不放羈愁似草長。架上漢書那復看，牀頭周易亦相忘。客來拈起清談麈，且破西窗半篆香。

久矣雲衢斂羽翰，退飛更覺一枝安。七千里外新開客，十五年。前舊史官。花底清歌春載酒，江邊明月夜投竿。癡頑直爲多更事，莫怪曾懷抵死寬。

晚過五門

五門路四月乳鴉啼綠樹，閒游但喜日初長。薄暑始知春已去，樓頭風高舞雙旗。畫角聲中日還暮，馬蹄特特無斷時。老盡行人路如故。

月下醉題

黃鵠飛鳴未免飢，此身自笑欲何之。閉門種菜英雄老，彈鋏思魚富貴遲。生擬入山隨李廣，死當穿冢近要離。一樽疆醉南樓月，感慨長吟恐過悲。

和范待制秋興

策策桐飄已半空，啼螿漸覺近房櫳。一生不作牛衣泣，萬

事從渠馬耳風名姓已甘黃紙外免陰全付綠尊中門前
剝啄誰相覓賀我今年號放翁

睡臉餘痕印枕紋秋衾微潤覆~~地~~翼井桐搖落先霜盡衣
杵淒涼帶月聞佛屋沙燈明小窗經奩魚蠹蝕真文身如
病驥惟息卧誰許能空萬馬羣

○ 春愁

春愁茫茫塞天地我行未到愁先至滿眼如雲忽復生尋
人似瘴何由避客來勸我飛鸞壽我笑謂客君罷休醉自
醉倒愁自愁愁與酒如風馬牛

關山月

和戎詔下十五年將軍不戰六臨邊朱門沉沉按歌舞廐
馬肥死弓斷弦戍樓刁斗催落月三十從軍今白髮笛裏

誰知壯士心沙頭空照征人骨中原干戈古亦聞豈有

傳子孫遺民忍死望

幾處今宵垂淚痕

和范舍人書懷

歲月如萍不可遮即今楊柳已藏鴉客中常欠尊中酒馬
上時看檐上花末路淒涼老巴蜀少年豪舉動京華天魔
久矣先成佛多病維摩尚在家

幽居

殊方飄泊向誰論小住僧廬亦所欣得飽罷揮求米帖愛
眠新著毀茶文摘蔬籃小露清露斷藥鉏輕帶溼雲從此
生涯足幽事宦遊虛用半生勤

浣溪女一作浣花女

江頭女兒雙鬢了常隨阿母供桑麻當戶夜織聲唧啞地

爐豆蕪煎土茶長成嫁與東西家柴門相對不上車青裙
竹筍何所嗟插髻燦燦牽牛花城中妖姝臉如霞爭嫁官
人慕高華青驪一出天之涯年年傷春抱琵琶

悲秋

一拋箕笠雪溪舟八載涼州復益州纔破繁華海棠夢又
驚搖落井梧秋曉班無復趨行殿晚境惟思老寢丘病肺
經旬疎酒盞愁來惟是上南樓

雨中山行至松風亭忽澄霽

煙雨千峰擁髻鬟忽看青嶂白雲間卷藏破墨營丘筆却
展將軍著色山

秋興

成都城中秋夜長燈籠蠟紙明空堂高梧月白繞飛鶻衰
草露溼啼寒蠶堂上書生讀書罷欲眠未眠偏斷腸起行
百匝幾歎息一夕綠髮成秋霜中原月川曆州老
著松黃滎河溫洛底處所可使長作旃裘鄉百金戰袍
鵬鶻盤三尺劍鋒霜雪寒一朝出塞君試看且發寶鷄茸
長安

暇日行城上同行追不能及

疾步登城殊未衰欣然一笑擲筇枝正當閒似白鷗處不
減健如黃犢時秋野煙雲橫慘淡暮天樓閣倚參差高吟
醉舞忘歸去乞與丹青畫怪奇

江樓醉中作

淋漓百榼宴江樓秉燭揮毫氣尚遒天上但聞星主酒人
間寧有地理憂生希李廣名飛將死慕劉伶贈醉筴戲語

佳人頰一笑錦城已是六年留退之詩云越女一笑三年

曳策 游房園作

慈竹蕭森廢臺醉歸曳策一徘徊紛紛落日牛羊下黯黯長空霰雪來三峽猿催清淚落兩京梅傷戰塵開客懷已是淒涼甚更聽城頭畫角哀

謁漢昭烈惠陵及諸葛公祠宇

雨止風益豪雪作雲不動淒涼漢陵廟衰草卧翁仲畫妓空笙竽土馬闕羈鞵壤沃黃犢耕柏密幽鳥啼尚想忠武公身任社稷重整整渭上營氣已無岐雍少須天意定破賊寧患衆興亡信有數星隕事可痛陵邊四五家茆竹居接棟手輒紙上箔居民皆以造紙為業醅熟酒鳴甕雖嗟生理微亦足道飢凍劉葛固雄傑閱世均一夢論高常近迂才大本

難用九原不可作再拜臨風

遠遊

遠遊行復歲華新懶學劉郎問大鈞一點不蒙稽古力十分合作卧雲身苦寒與酒頓增價小雨為梅先辟塵擬佩一壺江路去花邊醉墮白綸巾

簡譚德稱

幼輿骨相稱山巖自要閒遊不避讒錦里先生為老伴玉霄散吏是頭銜探春苑路花簪帽看月江樓酒滿衫惟恨題詩無逸氣媿君陣馬與風颿

閒意

柴門雖設不曾開為怕人行損綠苔妍日漸催春意動好風時捲市聲來學經妻問生疎字嘗酒兒斟澀澆盃安得

小園寬半畝黃梅綠李一時栽

南定樓遇急雨

行遍梁州到益州今年又作度瀘遊江山重複爭供眼風雨縱橫亂入樓人語朱離逢峒獍棹歌欸乃下吳舟天涯住穩歸心嬾登覽茫然却欲愁

漁翁

江頭漁家結茆廬青山當門画不如江煙淡淡雨疎疎老翁破浪行捕魚恨渠生來不讀書江山如此一句無我亦衰遲慙筆力共對江山三歎息

龍興寺吊少陵先生寓居

中原艸艸失承平戍火塵到兩京扈蹕老臣身萬里天寒來此聽江聲以少陵詩考之蓋以秋冬間寓此州也寺門開江聲甚壯

楚城

江上荒城猿鳥悲隔江便是屈原祠一千五百年間事只有灘聲似舊時

出遊

萬里崎嶇蜀道歸荆州非復壯遊時行吟自怪詩情減坐睡人驚酒量衰卷地風號雲夢澤黏天艸映伏波祠一枝藤杖平生事擊鼓開帆未恨遲

初發荊州

淋漓牛酒起檣干健艚飛如插羽翰破浪乘風千里快開頭擊鼓萬人看鵲聲不斷朝陽出旗脚微舒宿雨乾堪笑塵埃洛陽客素衣如墨據征鞍

泊公安縣

秦關蜀道何遠哉，公安渡頭今始回。無窮江水與天接，不
斷海風吹月來。船窗簾捲螢火鬧，沙渚露下蘋花開。少年
許國忽衰老，心折柁樓長一作笛哀。

舟中偶書

老子西遊萬里回，江行長夏亦佳哉。晝眠初起報茶熟，宿
酒半醒聞雨來。漢口船開催疊鼓，淮南帆落亞高桅。四方
本是丈夫事，白首自憐心未灰。

舟行蘄黃間雨霽得便風有感

天青雲白十分晴，帆飽舟輕盡日行。江底魚龍貪晝睡，淮
南艸木俗秋聲。好山縹緲何處住，華髮蕭條只自驚。莫怪
時人笑疎嬾，宦情元不似詩情。

六月十四日宿東林寺

看盡江湖千萬峰，不嫌雲夢芥吾胸。戲招西塞山前月，來
聽東林寺裏鐘。遠客豈知今再到，老僧能記昔相逢。虛窗
熟睡誰驚覺，野碓無人夜自舂。

登賞心亭

蜀道秦關歲月遒，今年藥興却東遊。全家穩下黃牛峽，半
醉尋尋白鷺洲。黯黯江雲瓜步雨，蕭蕭木葉石城秋。孤臣
老抱憂時意，欲請遷都涕已流。

將至京口

卧聽金山古寺鐘，三巴昨夢已成空。船頭坎坎回帆鼓，旗
尾舒舒下水風。城角危樓晴靄碧，林間雙塔夕陽紅。銅瓶
愁汲中濡水，不見茶山九十翁。頃在京口嘗取中濡水寄

沂谿

射的峰前禹廟東，短蓬三扇卧衰翁。閒攜清聖濁賢酒，重
試朝南莫北風。水落痕留紅蓼節，雨來聲滿綠蒲叢。衝煙
莫作匆匆去，擬看溪丁下釣筒。

歸雲門

萬里歸來值歲豐，解裝鄉墅樂無窮。甑炊飽雨湖菱紫，篋
絡迎霜野柿紅。壞壁塵埃尋醉墨，孤燈餅餌對鄰翁。微官
行矣闕山去，又寄千巖夢想中。

題齋壁

葺得湖邊屋數椽，茆齋低小竹窗妍。墟煙寂歷歸村路，山
色蒼寒釀雪天。性懶杯盤常偶爾，地偏鷄犬亦翛然。早知
粟里多幽事，虛走人間四十年。

吾廬

吾廬雖小亦佳哉，新作柴門斲綠苔。拄杖每聞歸鶴入，釣
船時帶夕陽來。墟煙隔水霏霏合，籬菊凌霜續續開。千里
安期那可得，笑呼鄰父共傳杯。

自雲門之陶山肩輿者，失道行亂山中有茅舍小塘，
極幽邃，求見主人不可，意其隱者也。

陂池幽處有茅堂，井白蕭條草樹荒。小鴨怯波時聚散，病
蔬傷蠹半青黃。兒童衝雨收魚網，婢子踰鐘上佛香。我亦
暮年息屏跡，數椽何計得連牆。

冬夜聽雨戲作

少年交友盡豪英，妙理時時得細評。老去同參惟夜雨，焚
香靜聽兩簷聲。

遠簷點滴如琴筑，支枕幽齋聽始奇。憶在錦城歌吹海，七

年夜雨不曾知

梅花絕句

濯錦江邊憶舊遊，纏頭百萬醉青樓。如今莫索梅花笑，古驛燈前各自愁。

蜀王小苑舊池臺，江北江南萬樹梅。只怪朝來歌吹鬧，園

官已報五分開。成都合江園蓋故蜀別苑，梅最盛。自初開，監官日報，府報至開五分，則府主來晏遊。

人亦競集。

探春歲歲在天涯，醉裏題詩字半斜。今日谿頭還小飲，冷官不禁看梅花。

池館登臨雪半消，梅花與我兩無聊。青羊宮裏應如舊，腸斷春風萬里橋。

客息

裘馬平生喜遠遊，算年顛顛向南州。文書與睡中分日，衰病和愁總怕秋。無復雪郊看射虎，但思煙浦聽呼牛。還家誰道無餘俸，倒橐猶堪買釣舟。

初秋夢故山覺而有作

昔我東歸時，父老迎船頭。開篷相勞苦，怪我頽雪凋。故山何負君，且作數月留。豈知席未煖，足馬來南州。鬢花四時紅，瘴霧日夜浮。歸哉不可遲，勿與婦子謀。

杜宇真吾交，勸去恨不速。忠告輸肝肺，厚意均骨肉。陋哉鷓鴣語，揣我貧念祿。竹雞更鄙淺，泥淖憂車軸。秋風嚴瀨清，春雨戴溪綠。行矣勿復疑，照影巾一幅。

追感梁益舊遊有作

西遊萬里倚朱顏，肯放尊前一笑慳。蜀苑妓圍欺夜雪，梁

州獵火滿秋山，晚途忽墮塵埃裏。樂事渾疑夢寐間，浮世
變遷君勿歎。劇談猶是詫鄉賢。

聞雁

過盡梅花把酒稀，薰籠香冷換春衣。秦關漢苑無消息，又
在江南送雁歸。

登擬峴臺

層臺縹緲壓城闌，倚杖來觀浩蕩春。放盡尊前千里目，洗
空衣上十年塵。紫迴木抱中和氣，平遠山如醜籍人。更喜
機心無復在，沙邊鷗鷺亦相親。

雨中遣懷

病中草草度年華，睡起昏昏日易斜。抵死愁禁千斛酒，薄
情雨送一城花。鏡湖煙水搖朱舫，錦里香塵走銅車。此夢
卽今都打破，不妨寂寞住天涯。

三月二十一日作

蹴踘牆東一市譁，鞦韆樓外兩旗斜。及時小雨放桐葉無
賴，餘寒開楝花。明月吹笙思對苑，軟塵騎馬夢京華。懽情
減盡朱顏改，節物催人只自嗟。

五月十一日夜且半夢從大駕親征，盡復漢唐故地。

見城邑人物繁麗，云西涼府也，喜甚，馬上作長句。
宋終篇而覺，乃足成之。

天寶

兵陷兩京，北庭安西無漢營。五百年間置不問，聖
主下詔初親征。熊羆百萬從靈駕，故地不勞傳檄下。築城
絕塞，進新圖，排仗行宮宣大赦。罔繼極目漢山川，文書初
用淳熙年。駕前六軍鑿錦繡，秋風鼓角聲滿天。首宿峰前

盡亭障平安火在交河上涼州女兒滿高樓梳頭已學京
都樣

長歌行

燕燕尾涎涎橫穿乞巧樓低入吹笙院鴨鴨背嗷嗷朝浮
杜若洲算宿蘆花夾嗟爾自適天地間將儔命侶意甚閒
我今獨何爲一笑乃爾慳世上悲歡亦偶然何時爛醉錦
江邊人歸華表三千歲春入箜篌十四絃

送客城西

倦客憑鞍半醉醒秋光滿眼歎頽齡日斜野渡放船小風
急漁村攤網腥客思不堪聞斷雁詩情彊半在鄰亭歸來
更恨城笳咽烟火昏昏獨掩屏

休日

賜休暫許養衰殘靜院翛然晝掩關釀酒移花調護悶弄
琴洗硯破除閒與人多忤讒消骨報國無功愧滿顏一寸
歸心向誰說小屏依約剡中山

新釀熟小酌索笑亭

新酒黃如脫殼鵝小園持盞暫婆娑文章不進技止此仕
宦忘歸人謂何宿業薄書昏病眼夢遊煙雨溼漁簑醉中
笑向兒童說白髮今年添幾多

豐城高安之間憩民家景趣幽邃爲之慨然懷歸
數家聚雲根細路入叢薄潏潏石渠水來往一咯徠有無
鄰里通笑語婦子樂濁醪時相就青蔬缺鹽酪日暮歸閉
門鑿火星煨燻先期畢租稅老不入城郭嗟予獨何事早
插紅塵脚故山未成歸悵望有餘忤

北窗

九陌黃塵早暮忙，幽人自愛北窗涼。清吟微變舊詩律，細字閒鈔新酒方。艸木扶疎春已去，琴書蕭散日初長。破羌臨罷檣頭久，又破銅函半篆香。

西村醉歸

俠氣呼嘯蓋九州，一生常恥為身謀。酒寧剩欠尋常債，劍不虛施細碎讎。見孟東野詩岐路凋零白羽箭，風霜破弊黑貂裘。陽狂自是英豪事，村市歸來醉跨牛。

醉中登避暑臺

半醉行歌上古臺，脫巾散髮謝氛埃。但知禮豈為我設，莫管客從何處來。剡曲煙波菱蔓滑，耶溪風露藕花開。老來世事渾成懶，一榼幽尋未擬回。

病中夜興

病瘧秋來久未平，艸堂遙夜不勝清。疾風遞響驚林葉，列宿收芒避月明。百計不能逃白髮，一生堪笑役虛名。釣車且作桐江夢，莫念安西萬里行。

霜天晚興

薄霜門巷不勝清，小立湖邊夕照明。紅顆帶芒收晚稻，綠苞和葉摘新橙。閒評琴價留僧話，靜聽松聲領鶴行。壯志消磨渾欲盡，西風莫動玉關情。

杜門

寂寞山深處，崢嶸歲暮時。燒灰除菜蝗，讀如橫字去聲送芋謝牛醫。寬水晨澆藥，燈窗夜覆棋。杜門君勿怪，遲暮少新知。忽忽

忽忽復悠悠，頻驚歲月遒。若無船貯酒，將奈斛量愁。列炬
燕宮夜，成都故蜀時燕王宮今屬張氏海棠爲一城之冠呼鷹漢廟秋。南漢高帝廟子從

戎時多獵其下冬夜不寐至四鼓起作此詩

秦吳萬里車轍遍，重到故鄉如隔生。歲晚酒邊身老大，夜
闌枕畔書縱橫。殘燈無焰穴鼠出，稿葉有聲村犬行。八十
將軍能白頭，吾欲事功名。高麗有識云當有八十六老將平之李英公實磨是

蔬圃

山翁老學圃，自笑一何愚。僥瘠財三畝，勤劬賴兩奴。正方
畦畫局，微潤土融酥。剪闢荆榛盡，鉏犁磊塊無。過溝橫略
約，聚甕起浮屠。拾園中瓦隙地成瓜援餘功及芋區，如絲
細生菜似鴨爛，蒸壺此事今真辦。東歸不爲鱸。

累日無酒亦不肉食戲作此詩

小築精廬剡曲傍，枵然蟬腹與龜腸。酒錢覓處無司業，齋
日多來似太常。雲碓旋春菰米滑，風爐親候藥苗香。明年
更入南山去，要試囊中服玉方。

陶山遇雪覺林遷，菴主見招不果往

山中大雪二尺彊，道邊虎迹如椀大。衰翁畏虎復畏寒，招
喚不來公勿怪。梨花開時好風日，走馬尋公作寒食。不須
沽酒飲陶潛，箭筈蕨芽如蜜甜。

夏夜舟中聞水鳥聲甚哀若曰姑惡感而作詩

女生藏深閨，未省窺牆藩。上車移所天，父母爲它門。妾身
雖甚愚，亦知君姑尊。下牀頭雞鳴，梳髻著襦裙。堂上奉灑
掃，厨中具盤飧。青青摘葵菹，恨不美熊蹯。姑色少不怡，衣

袂溼淚痕所冀安生男庶幾姑弄孫此志竟蹉跎薄命來
讒言放棄不敢怨所悲孤大恩古路傍陂澤微雨鬼火昏
君聽姑惡聲無乃遣婦魂

雨夜

急雨如河瀉瓦溝空堂卧對一燈幽老雞多事彊知曉落
葉無情先報秋身未蓋棺誰可料尊常有酒莫開愁功名
老大從來事且復長歌起飯牛

鄰曲小飲

早稻喜登場相呼集野堂迎霜新兔美近社濁醪香茆屋
滴殘雨竹籬圍夕陽新豐不須作真箇是吾鄉

題酒家壁

明主何曾棄不才書生飄泊自堪哀煙波東盡江湖遠

棧西從隴蜀回宿雨送寒秋欲晚積衰成病老初來酒香
菰脆丹楓岸強遣樽前笑口開

幽居書事

莫嘆人間苦不諧清時有味是歸來已因積毀成高卧更
借陽狂護散才正欲清言聞客至偶思小飲報花開紛紛
爭奪成何事白骨生苔但可哀

紹興中與陳魯山王季夷從兄仲高以重九日同遊

禹廟後三十餘年自三橋泛舟歸山居秋高雨霽

望禹廟樓殿重複光景宛如當時而三人者皆下

世予亦衰病無聊慨然作此詩

重樓傑閣倚虛空紅日蒼煙正鬱葱鄉國歸來渾似鶴交
朋零落不成龍人生真與夢何校我輩故應情所鍾淚漬

清詩却回棹不眠一夜聽鳴蛩

過村店有感

細篔絡丹柿枯籬懸碧花炊煙生旅竈野水激寒沙樓島爭投樹歸牛自識家恍然遊蜀路搔首憶天涯

骨相

骨相元知薄功名敢自期病侵彊健日閒過聖明時形勝輪臺地飛騰瀚海師江湖雖萬里猶擬燧聲詩

薏苡

蜀人謂其實為薏米唐安所出尤奇

初遊唐安飯薏米炊成不減雕胡美大如茨實白如玉滑欲流匙香滿屋腹腴項鬢不入盤况復殮酪誇甘酸東歸息之未易得每以問人人不識嗚呼奇材從古棄艸菅君試求之離落間

鄉人病予詩多道蜀中逸樂之盛適春日遊鏡湖其

請賦山陰風物遂卽杯酒間作絕句當持以誇西

州故人也

嬾日輕雲淡漉天撲燈過後賣花前便從水閣杭湖去捲起朱簾上畫船

舫子窗扉面面開金壺桃杏間尊罍東風忽送笙歌近一片樓臺泛水來

病中

風雨暗江天幽窗起復眠忍窮安晚境畱病壓災年客助脩琴料僧分買藥錢餘生均逆旅未死且陶然

初夏游凌氏小園

水滿池塘葉滿枝曲廊危榭愜幽期風和海燕分泥處日

永是蠶上簇時閒理阮咸尋舊譜細傾白墮賦新詩從來
夏淺勝春日兒女紛紛豈得知使信詩云夏淺却勝春鏡湖遊人臣立夏而止

賽神曲

叢祠千載臨江渚拜覬今年那可數須晴得晴雨得人
意所向神輒許嘉禾九穗持上府廟前女巫遞歌舞嗚嗚
歌謳坎坎鼓香煙成雲神降語大餅如槃牲脂肥再拜獻
神神不違晚來人醉相扶歸蟬聲滿廟鎖斜暉

秋夜

老病龍鍾不入城濁醪麤飯餞餘生未霜村舍秋先冷無
月江邊夜自明出塞雖慙平賊手下惟聊喜讀書聲山童
睡熟青燈暗自撥殘爐候藥鎗

得所親廣州書

音信連年恨不開書來細讀却消魂人稀野店山魃語路
僻蠻村荔子繁毒草自搖春寂寂瘴雲不動晝昏昏此生
相見應無日且置清愁近一樽

西路口山店

日薄霜清十月天馬蹄聲裏送流年店當古路三叉處山
似孤雲兩角邊孤雲兩角在漢中淹泊自悲窮不醒衰殘更覺病
相纏榆關瀚海知何在目送飛鴻入暮煙

冬夜與溥菴主說川食戲作

唐安蕙米白如玉漢嘉枏脯美勝肉大巢初生蚕正浴小
巢漸老麥米熟龍鶴作羹香出釜木魚淪菹子盈腹未論
索澁與餓飯最愛紅糟并飯粥東來坐閱七寒暑未嘗舉
箸忘吾蜀何時一飽與子同更煎土茗浮甘菊

野飲

青山千載老英雄濁酒三盃失阮窮訪古顏垣荒塹裏竟
交屠狗賣漿中平堤漸放春蕪綠細浪遙翻夕照紅已把
殘年付天地騎牛吹笛伴村童

春晚至山中因訪陳道人

一春衰病集殘骸太息流塵覆酒杯僧鉢始知葷菜老佛
瓶初見杏花开蘋溪小雨成幽討松院斜陽又獨來不為
愛閒從野叟年來萬事學低摧

病起

山村病起帽圍寬春盡江南尚薄寒志士淒涼閒處老名
花零落雨中看斷香漠漠便支枕芳草離離悔倚闌收拾
吟牋停酒椀年來觸事動憂端

芒種後經旬無日不雨偶得長句

芒種初過雨及時紗厨睡起角巾欹癡雲不散常邀墻野
水無聲自入池綠樹晚涼鳩語鬧画梁盡寂燕歸遲開
自喜渾無事衣覆熏籠獨誦詩

秋夜泊舟亭山下

蓬水逢山到處開可憐身世寄孤舟一汀蘋露漁村晚十
里荷花野店秋羽檝未聞傳塞外金椎先報擊衙頭聞
為壯士所攻幾不免煌煌太白高千丈那得功名取次

休

初秋山中作

萬里西風吹幅巾即今真箇是閒人堆盤羞熟燕脂角藉
蒸鱸新淡墨鱗蛇嶺寒蟻尋徑城江孤艇繫煙津飄然

樂事真當勉，遠付十年無此身。

臨安春雨初霽

世味年來薄似紗，誰令騎馬客京華。小樓一夜聽春雨，淡
巷明朝賣杏花。矮紙斜行閒作草，晴窗細乳戲分茶。素衣
莫起風塵歎，猶及清明可到家。

飲張功父園戲題扇上

寒食清明數日中，西園春事又匆匆。梅花自避新桃李，不
為高樓一笛風。

聞傅氏莊紫笑花開急棹小舟觀之

日長無奈清愁處，醉裏來尋紫笑香。漫道閒人無一事，逢
春也似蜜蜂忙。

鹹齏十韻

九月十月屋瓦霜，家人共畏畦蔬黃。小兒大壘盛滌濯，青
菘綠韭謹蓄藏。天氣初寒手訣妙，吳鹽正白山泉香。挾書
旁觀穉子喜，洗刀竭作厨人忙。園丁無事臥曝日，棄葉狼
籍堆空廊。泥為緘，練作火，守護不敢非時嘗。人生各自
有貴賤，百花開時促高宴。劉伶病醒相如渴，長魚大肉何
由薦。凍壘此際價千金，不數狐泉槐葉麪。摩挲便腹一欣
然，作歌聊續冰壺傳。

遣興

莫羨朝回帶萬釘，吾曹叟可草堂靈。風來弱柳搖官綠，雲
破奇峰露帝青。聽盡啼鶯春欲去，驚回夢蝶醉初醒。從教
俗眼憎疎放，行矣桐江醉客星。

小憩村舍

新二季作凡

藤梢維艇子，煙際覓人家。小婦簾新麥，羣童摘晚茶。溪雲
易成雨，崖樹少開花。聊寄平生快，青鞵到若耶。

雨後

礎潤還成雨，雲收旋作晴。巖花分日發，林筍逐番生。筆硯
行齋具，軒窗晚更明。塵埃幸不到，那得廢詩情。

自上竈過陶山

宿雨初收見夕陽，縱橫流水入陂塘。蚕家忌客門門閉，茶
戶俱官處處忙。綠樹村邊停醉帽，紫藤架底倚胡牀。不因
蕭散遺塵事，那覺人間白日長。

排悶

老去知心少，流塵鎖斷絃。尊空問字酒，囊罄作碑錢。掃葉
供朝爨，和泥補漏船。胸中元浩浩，白眼望青天。

題空壁

二十餘年此結茆，圍公路父日論交。風翻半浦亂荷背，雨
放一林新笋梢。隔葉晚鶯啼谷口，啜花雛鴨聚塘坳。出門
行罷還無事，借得丹經手自抄。

拜且表

一封馳奏效嵩呼，清蹕何時返故都。只道建炎巡狩禮，誰
知故事自祥符。

安流亭俟客不至獨坐成詠

憶昔西征鬢未霜，拾遺陳迹吊微茫。蜀江春水千帆落，禹
廟空山百草香。馬影斜陽經劍閣，鷗聲清曉下瞿唐。酒徒
雲散無消息，水榭憑欄淚數行。

歲晚書懷

劍南詩抄

三十七

羊兒龍翔上太清紹興末游即今孤宦老山城
靈丹不解與凡骨薄命在教生太平
積雪樓臺增壯觀近春鳥雀有和聲
如山吏牘何時了惆悵西窗晚照明

雪中忽起從戎之興戲作

孤裘臥載錦駝車酒醒水滸結亂珠
三尺馬鞭裝白玉雪中畫字草軍書

鸞堂春夜

南樓統統下疎更一點紗籠滿院明
映月疎梅入簾影讀書穉子隔窗聲
呻吟藥裏身寧久汎掃塵意未平
草檄北征今二紀山城仍是老書生
游常為丞相陳魯公史樞相張魏公草中原及西夏書檄於都堂

東空偶書

華髮蕭蕭不滿簪強扶衰病著朝衫
寒廳靜似阿闕若佳客少于優鉢
曇詩酒放懷窮亦樂文移肆罵老難堪
棄官若遂飄然計不死楊州死劍南
劍南詩云人生只合揚州死而余嘗有歸蜀之意

倚欄

開岸紗巾小倚欄吳中三月尚春寒
蜂脾蜜滿花初過燕鶯泥新雨未乾
老厭簿書息屏迹病逢節物強追歡
一樽又動流年感城上斜陽西角殘

晚春園中作

少逢春歸未解悲千篇曾賦傷春詩
可堪霜點鬢髮後更值綠暗園林時
楊花輕墮簷外影杏子重壓闌邊枝
毬場立馬漏聲靜綺窗語燕簷陰移
向來春事渺何許長空鳥跡何由追
鞦韆未拆已寂寞日暮東風吹綵旗

九月初郊行

九月吳中尚袂衣江郊策馬踏斜暉
蓀花漫漫連山路豆莢離離映版扉
蒼兔避鷹投欄去黃鶴脫網傷人飛
農家光景關心事不爲無才也合歸

寄題朱元晦武夷精舍

先生結屋綠巖邊讀易懸知屢絕編
不用采芝驚世俗恐人謗道是神仙

蟬蛻巖間果是無世人妄想可憐渠
有方爲子換凡骨來讀晦菴新著書

身閒剩覺溪山好心靜尤知日月長
天下蒼生未蘇息憂公遂與世相忘

齊民本自樂衡門水旱那知不自存
聖主憂勤常旰食道

公一一報曾孫

山如嵩少三十六水似邛笮九折途
我老正須閒處著白雲一半官分無

秋郊有懷

檐頭買雙兔市店取斗酒還家婦
北窗歡言酌親友家貧氣未餒
禮薄情更厚高陰金石裂健筆龍蛇走
酒闌起出門孤月挂衰柳大笑各散歸
吾輩可不朽官身縛簡書此樂寧復有
悵望秦稽雲憑高一搔首

楚人固多騁妄謂秋可悲寧知河嶽間
氣俗樂此時壯士鳴雕弓健馬嚼枯筭
日馳三百里榆關赴戰期陣雲壓龍庭
殺氣搖參旗熾火燎狐兔倒瀉黃金卮
勒銘燕然石千載鎮兒安能空山裏
凍研哦清詩

秋山瘦益奇，秋水淺可涉。出城西風勁，拂帽吹脫葉。新霜
拆栗罇，宿雨飽豆莢。枯柳無鳴蜩，寒花有穿蝶。郊行得幽
曠，頗覺耳目愜。斷雲北山來，欣然與之接。挂冠易事爾，看
鏡歎勛業。永懷桑乾河，夜渡擁馬鬣。

地僻

地僻天教養散材，流年況著鬢毛催。青山自繞孤城去，画
角常隨晚照來。几淨雙鈎摹古帖，甕香小啜試新醅。棗糕
不是星躔遠，無奈先生興盡回。

冬夜聞角聲

嫋嫋清笳入雪雲，白頭老守臥中軍。自憐到老懷遺恨，不
向居延塞外聞。憶在梁州夜雪深，落梅聲裏玉關心。山城老去功名忤，卧

對寒燈淚滿襟

荆州歌

楚江鱗鱗綠如釀，銜尾江邊繫朱舫。東征打鼓挂高帆，西
上湯豬聯百丈。伏波古廟占好風，武昌白帝在眼中。倚樓
女兒笑迎客，清歌未盡千觴空。沙頭巷陌三千家，煙雨冥
冥開橘花。峽人住多楚人少，土鍤爭響茱萸茶。

芳草曲

蜀山遠處逢孤驛，缺甃頽垣芳草碧。家在江南妻子病，離
鄉半歲無消息。長安城門西路去，細靄斜陽芳草萼。尊前
一曲渭城歌，馬蹄萬里交河戍。人生誤計覓封侯，芳草愁
人春復秋。只願東行至滄海，路窮草斷始無愁。

夢回

病骨便衾暖，羈懷怯夢回。鐘殘燈燼落，香冷雨聲來。老抱
憂時志，狂非濟世材。明朝入冬假，燒兔薦新醅。

到巖十五晦，朔郡釀不佳。求於都下既不時，至欲借
書讀之，而寓公多祕，不肖出無以度日，殊惘惘也。

桐君放隱兩經秋，小院孤燈夜夜愁。名酒過於求趙壁，異
書渾似借荆州。溪山勝處真難到，風月佳時事不休。安得
連車載郢釀，金鞭重作浣花遊。

春殘

老墮空山裏，春殘白日長。庸醫司性命，俗子議文章。燭映
一池墨，風飄半篆香。箇中有佳處，袖手看人忙。

三月二十日晚酌

暫因賜沐作閒身，太息纔餘一日春。委地落花新著雨，穿

簾歸燕不生人。衛青此日怪長揖，王翰當年謀卜鄰。商略
晚窗須小醉，朱櫻青透正嘗新。

北窗閒詠

陰陰綠樹雨餘香，半捲疎簾置一牀。得祿僅償賒酒券，息
歸新草乞祠章。古琴百衲彈清散，名帖雙鈞榻硬黃。夜出
灞亭雖跌宕，也勝歸作老馮唐。

夜出偏門還三山

月行南斗邊，人歸西郊路。水風吹葛衣，草露濕芒屨。漁歌
起遠汀，鬼火出破墓。妻清醒醉魂，荒怪入詩。到今夜已
半竹立，叩蓬戶。緝子猶讀書，一笑慰遲暮。

四鼓酒醒起步庭下

酒解夜過半，出門步中庭。天高河漢白，月淡煙霧清。可重滴

勝字平用

竹杪露疎見樹鏤星壞楚啼寒蛩深竹明孤豔
晚雖未霜蠹葉時自零四序逝不留慨然感頽齡
平生那一把不博帶萬釘賜溝謝拍拍鴻路追冥冥

雲門感舊

總角來遊老未忘背人歲月去堂堂
穉松看到偃霜蓋廢寺憶曾開寶坊
佛几古燈寒焰短齋厨新粟斗炊香
興闌未忍登車去更倚溪橋立夕陽

行在春晚有懷古隱

老辱明時乞一官逢春惆悵獨無歡
舊人零落北音少市肆蕭疎民力殫
歸計已栽千箇竹殘年合挂兩梁冠
石帆山路頻回首箭茁蓴絲正滿槃

次韻和楊伯子主簿見贈

齋戒叩頭牋天公幸矣使我為枯蓬
枯蓬於世百無用始得曠快棄秋風
此生安往失貧賤白髮蕭蕭對黃卷
今人雖鄰有不覲古人却向書中見
殘啼月落青山空舊隱夢寂思東蒙
不願峨冠赤墀下且可短劍紅塵中
終年無人問良苦眼望青天惟自許
可憐對酒不敢豪它日空燒境上土
文章最忌百家衣火龍黼黻世不知
誰能養氣塞天地吐出自足成虹霓
渡江諸賢骨已朽老夫亦將正丘首
杜郎苦瘦帽撮耳程子久貧衣露肘
君復作意尋齊盟豈知衰懦畏後生
大篇一讀我起立喜君得法從家庭
鯢鵬自有天池著誰謂太狂須束縛
大機大用君已傳那遣老夫安注脚

杜典伯高程有獻文若皆近以詩文得多于書

醉中作行草數紙

還家痛飲洗塵土，醉帖淋漓寄豪舉。石池墨瀋如海寬，五
雲下垂黑蛟舞。太陰鬼神挾風雨，夜半馬陵飛萬弩。堂堂
筆陣從天下，氣壓唐人折釵股。丈夫本意陋千古，少何
足膏碁。書馳報兒，直用毛錐驚殺汝。

記夢

夢裏都忘兩鬢殘，恍然白紵入長安。硯教紙熟脩溫卷，俄
得驢騎候熱官。紅葉滿街秋著句，青樓燒燭夜追歡。如今
萬事消除盡，老眼摩挲靜處看。

野興

紅飯青蔬美莫加，鄰翁能共一甌茶。舍西日紫花房斂，港
北風生柳脚斜。筇杖不妨閒有伴，茆簷終勝老無家。自驚
七十猶強健，采藥歸來見暮鴉。

重午

葉底榴花蹙絳繒，街頭初賣苑池冰。音楷不藏水賣世間
各自有時節，蕭艾著冠稱道陵。

梅雨

沐罷斜簪二十冠，斷雲殘靄暗江干。絲絲梅子熟時雨，漠
漠棟花開後寒。剝采芸香辟書蠹，旋春麥麩續家餐。日長
倦睫惟息閉，茗椀真須抵死寬。

醉歌

讀書三萬卷，仕宦皆束閣。學劍四十年，木血未染鐸。不得
爲長虹，萬丈掃寥廓。又不爲疾風，六月送飛雹。戰馬死槽
邊，公卿守和約。窮邊指淮淝，異域視京雒。於乎此何心，有
酒吾忍酌。平生爲衣食，斂版靴兩脚。心雖了是非，口不給

唯諾如今老且病，鬢禿牙齒落。仰天少吐氣，餓死實差樂。
壯心埋不朽，千載猶可作。

蝸廬

小葺蝸廬便著家，
槿籬莎徑任欹斜。
為生草草僧行脚，
到處悠悠客泛槎。
孤蝶惜衣晴曝粉，
穉蜂貪蜜晚爭花。
有書嬾讀吾堪憫，
睡起何妨自啜茶。

故山

功名莫苦怨天慳，
一櫂歸來到歎閒。
傷水無家無好竹，
卷簾是處是青山。
滿籃箭茁瑤簪白，
壓擔稜梅鶴頂殷。
野興盡時尤可樂，
小江烟雨趁潮還。

鏡湖

禹祠行樂感年年，
繡轂爭先卷画船。
十里烟波明月夜，
萬人歌吹早暈天。
如花如上苑常成市，
酒似新豐不直錢。
老子

未須悲白髮，黃公墟下且閒眠。

禹廟

老尉鴻飛隱市門，
千年猶有舊巢痕。
陸生於此寓棋局，

子

十年前會丈時來開酒樽
清菴不知村，數僧也復投詩社。
零落今無一二存。

梅山

落磻泉奔盤玉虹，
護丹松老卧蒼龍。
霜柑籬角寒初熟，
野碓雲邊夜自舂。
挈榼人沽村市酒，
打包僧趁寺樓鐘。
幽尋自是年來嬾，
枉道山靈不見容。

雲門

冬晚山房書事

山澤何妨老太平，
嶢嶢骨相本來清。
月明滿地看梅影，
露下隔溪聞鶴聲。
未辨藥苗逢客問，
欲酬琴價約僧評。
奴

仁祖今俱絕，且學湘纍拾菊英。
屏迹山村病日增，
烏皮几穩得閒凭。
凍雲傷水封梅萼，
嫩

日烘窗釋硯冰，歲盡光陰饒衮衮。身閒醉夢且騰騰，蠻童
采藥歸來晚。客至從噴喚，不磨。

春雨絕句

怡喜西窗晚照明，虛簷又報雨來聲。端憂不用占龜兆，壞
盡花時自解晴。

千點猩紅蜀海棠，誰憐雨裏作啼粧。殺風景處君知否，正
伴鄰翁救麥忙。

天公似欲敗蚕麤，雨冒南山算不收。駭女癡兒那念此，貪
看科斗滿清溝。

今年春半不知春，飛電霹靂雷嚇殺人。縫得春衫元未著，免
教惆悵洛陽塵。

梅中最晚是細梅，一日來看欲百回。俗紫凡紅終避舍，不

妨自向雨中開

蕭條冬令侵春晚，淅瀝寒聲滴夜長。更事老翁頑到底，每
言宜睡好燒香。

山園

買得新園近釣磯，旋營葑棟設柴扉。山經宿雨脩容出，花
倚和風作態飛。世事只成驚老眼，酒徒頻約典春衣。狂吟
爛醉君無笑，十丈愁城要解圍。

東關

路入東關物象奇，角巾老子曳筇枝。蠶如黑蟻桑生後，秧
似青鍼水滿時。穿市不嫌微雨溼，過谿翻喜壞橋危。當年
野店題詩處，又典春衣具午炊。

雲壓魚鱗襯夕陽，放翁繫纜水雲鄉。一筇疾步人驚健，斗

酒高歌自笑狂，風喚市樓吹絮雪。蚕生村舍采桑黃，東阡南陌無窮樂。底事隨人作許忙。

宿野人家

避雨來投白版扉，野人憐客不相違。林喧鳥雀棲初定，村近牛羊算自歸。土釜暖湯先濯足，豆蕪吹火旋烘衣。老來世路渾諳盡，露宿風餐未覺非。

北窗

北窗本意傲羲皇，老返園廬味更長。犢健戴星耕白水，蚕飢衝雨采青桑。俚儒未黑開冬學，廟史牲牢祝歲穰。從此鬢毛雖似雪，未妨擊壤頌虞唐。

晚春感事

風惡房櫳燕子歸，雨多山路蕨芽肥。青衿旋擣作寒食，白

葛預裁充暑衣。穉子曰長供課早，故人官達寄書遲。自喜渾無事，又向湖陰坐釣磯。

徙倚闌干送落暉，年華冉冉恨依依。護雛燕子常更出，著雨楊花又嬾飛。已爲讀書悲眼力，還因攬帶歎腰圍。親朋半作荒郊冢，欲話初心淚滿衣。

示兒

舍東已種百本桑，舍西仍築百步塘。早茶采盡晚茶出，小麥方秀大麥黃。老夫一飽手捫腹，不復舉手號蒼蒼。讀書習氣掃未盡，燈前簡牘紛朱黃。吾兒從旁論治亂，每使老子喜欲狂。不須飲酒徑自醉，取書相和聲琅琅。人生百病有已時，獨有書癖不可醫。願兒力耕足衣食，讀書萬卷真

何益。

村居初夏

真境難禁日月催，臘醅初見拆泥開。
壓車麥穗黃雲卷，食葉蠶聲白雨來。
薄飯蕨薇端可飽，短衫紵葛亦新裁。
官途自古多憂喪，白首爲農信樂哉。

煮酒開時日正長，山家隨分當年光。
梅青巧配吳鹽白，筍美偏宜蜀政香。
風暖緊催蚕上簇，雨餘閒看稻移秧。
老夫見事真成晚，浪走人間兩鬢霜。

天遣爲農老故鄉，山園三畝鏡湖傍。
嫩莎經雨如秧綠，小蝶穿花似繭黃。
斗酒隻雞人笑樂，十風五雨歲豐穰。
相逢但喜桑麻長，欲話窮通已兩忘。

故鄉風物勝荆吳，流水青山無處無。
列植園林多美菓，飽鉏畦壟富嘉蔬。
橋邊來淬剝桑斧，池畔行芟縛獲孤。
我有

素純如月扇，會憑名手作新圖。

新秋感事

江上清秋昨夜回，漁扉正對荻洲開。
志存天下食不足，節慕古人讒愈來。
風際紙鳶那解久，祭餘芻狗會堪哀。
蕭然散髮聽秋雨，剩領新涼入酒盃。

秋思

一生書劍徧天涯，兩歲秋風喜在家。
爛醉日傾無算酒，高眠時聽屬私蛙。
園林夕照明丹柿，籬落初寒蔓碧花。
便擬挂冠君會否，耳根不復耐喧嘩。
半年閉戶廢登臨，直自春殘病至今。
帳外昏燈伴孤夢，簷前寒雨滴愁心。
中原形勝關河在，列聖憂勤德澤深。
遙想遺民垂泣處，大梁城闕又秋砧。

秋晚息梁益舊遊

幅巾筇杖立籬門，秋意蕭然欲斷魂。恰似嘉陵江上路，冷

雲微雨溼黃昏。

憶昔西行萬里餘，長亭夜夜夢歸吳。如今歷盡風波惡，飛

棧連雲是短途。

滄波極目江鄉恨，衰草連天塞路愁。三十年間行萬里，不

論南北怯登樓。

蔬圃

蔬圃依山脚，漁扉竝水涯。卧枝開野菊，殘枿出秋茶。病骨

農家

南畝勤蓄穫，西城謹蓋藏。種蕃菜霽日，斫菽待微霜。谿碓

新春白，山厨野蕨香。何須北窗卧，始得傲羲皇。

城南上原陳翁以賣花為業得錢悉供酒資又不能

獨飲逢人輒強與共醉辛亥九月十二日偶過其

門訪之敗屋一間妻子飢寒而此翁已大醉矣殆

隱者也為賦一詩

君不見會稽城南賣花翁，以花為糧如蜜蠶。朝賣一株紫

茸賣一枝紅，屋破見青天。盎中米常空，賣花得錢送酒家。

取酒盡時還賣花，春春花開豈有極。日日我醉終無涯，亦

不知天子殿前宣白麻。亦不知相公門前築堤沙，客來與

語不能會，但見醉髮覆面垂髭髻。

晚飯罷小立門外有作

此心何敢慕輕肥，尚媿無功飽蕨薇。浦面鳥衝殘靄去，柳

陰人荷一鋤歸病嗟短髮紛紛白老覺初心種種非百步
空庭著明月黃昏手自掩荆扉

觀梅至花溼高端叔解元見尋

春暎山中雲作堆放翁旋子出尋梅不須問信道傷叟但
覓梅花多處來

山家暮春

遠屋清陰合綠槐綠草纖起蚕初放食新麥已磨鎌苦筍
先調醬青梅小醪盤佳時幸無事酒盡更須添

行飯獨相羊扶藜過野塘晴光生蝶粉暎律變鶯吭麩美
羣兒競蚕飢小婦忙深知遊宦惡窮死勿離鄉

入雲門小憩五雲橋

穀雨初過燕夾衣園林零落到薔薇鳴鳩日暎遙相應雖

燕風柔漸獨飛臺省多才吾輩拙江湖久客暮年歸雲門
踞月方清絕且倚溪橋看夕霏

春晚村居雜賦絕句

作堤螻蛄六百尺西崦東村成一家春雨乍晴桑吐葉秋
風初冷稻吹花

搗兒草綠侵行路帳子花明照屋除處處乞漿俱得酒杖
頭何恨一錢無

一篇湖水鴨頭綠千樹桃花人面紅茆舍青帘起余意聊
將醉舞會春風

朝書牛券拈枯筆暮祭蚕神酌凍醪閒放無憂窮有意孽
人錯羨此翁高

澆書滿把浮蛆瓮攤飯橫眠夢蝶牀莫笑山翁見機晚也

勝朝市一生忙東坡先生謂晨飲為澆書李黃門謂午睡為健飯
午枕閉門無客攪夜燈開卷有兒同若為賤與天公道盡
乞餘生向此中

雨晴

閒曳枯筇自在行曲廊小閣賞新晴幽禽葉底吟風久殘
雨枝間照日明茶映盞毫新乳上琴橫薦石細泉鳴亦知
老健終難恃且復蕭然得此生

六月十四日微雨極涼

湖上清秋近
空中白日長
雲來樹收影
雨過土生香
蓮小紅衣溼
瓜甘碧玉涼
晚來幽興極
移榻近方塘

水亭晚眺

暑雨初晴浦面寬
水亭景物卷簾看
聯舟作陣圍漁隊
屈竹成籬護菜盤
四海諸公半丘壑
百年幾夕倚闌干
日沈未用匆匆去
待挽銀河濯肺肝

蓬萊館午憩

驛門繫馬聽蟬吟
翻動平生萬里心
橋畔笛聲催日落
城邊草色帶烟深
關河歷歷功名晚
歲月悠悠老病侵
憶戍梁州如昨日
憑闌西望一霑襟

夢遊散關渭水之間

平生望眼怯天涯
客裏何堪度歲華
但恨征輪無四角
不愁歸路有三叉
驛窗燈闌傳秋杵
關樹烟深宿暮鴉
叱犢老翁頭似雪
羨渠生死不離家

秋夜將曉出籬門迎涼有感

迢迢天漢西南落
喔喔鄰雞一再鳴
壯志病來消欲盡
出

門極首當平生

三萬里河東入海五千仞嶽上摩天遺民淚盡

望 又一年

秋日郊居

秋日雷連野老家朱槃鮓鱒粲如花已炊

點丁坑白雪茶

點散木名丁坑茶名

今年斟酌是豐年社近兒童喜欲顛半醉半醒村老子家

家門口掠神錢

兒童冬學鬧比鄰據案愚儒却自珍授罷村書閉門睡終

年不著面看人

農家十月乃遣子入學謂之冬學所讀雜字百家姓之類謂之村書

新晴

積雨已凄冷新晴還少和稼收平野濶木落遠山多土潤

朝畦菜機鳴夜擲梭時清年歲好吾敢歎蹉跎

晚眺

秋晚閒愁抵酒濃試尋高處倚枯筇雲歸時帶雨數點木

落又添山一峰鳴雁沙邊驚客艣行僧煙際認樓鐘箇中

詩思來無盡十手傳抄畏不供

九月一日夜讀詩藁有感走筆作歌

我管學詩未有得殘餘未免從人乞力孱氣餒心自知妄

取虛名有慙色四十從戎駐南鄭酬宴軍中夜連日打毬

築場一千步閱馬列廐三萬疋華燈縱博聲滿樓寶釵豔

舞光照席琵琶絃急水電亂羯鼓手勻風雨疾詩家三昧

忽見前眉質在眼元歷歷天機雲錦用在我剪裁妙處非

刀尺世間才傑固不乏秋毫未合天地隔放翁老死何足

論廣陵散絕還堪惜

小園

窄窄柴門短短籬山家隨分有園池客因問字來攜酒僧
趁分題就賦詩晨露每看花蕊拆夕陽頻見樹陰移此二事非
閒寂不知也拂衣司諫猶在此趣淵明却少知

九月二十三夜小兒方讀書而油盡口占此詩示之
微骨貧來累始輕孤村月上正三更汝緣油盡眠差早我
亦尊空醉不成南陌金羈良自苦北邙麟豕半無名書生
事業期千載得喪從來未易評

今年立冬後菊方盛開小飲

胡牀移就菊花畦飲具酸寒手自攜野實似丹仍似漆村
醪如蜜復如齏傳方解烹羊脚破戒猶慙擘蟹臍一醉

又驅黃犢出冬晴正要飽耕犁

步至近村

藥物扶持病漸平布裘絮帽出柴荆荒堤經雨多牛跡村
舍無人有碓聲數蝶弄香寒菊晚萬鴉回陣夕楓明老翁
隨意閒成句不似劉侯要取名

夜讀范至能攬轡錄言中原父老見使者多揮涕感

其事作絕句

公卿有黨排宗澤帷帳無人用岳飛遺老不應知此恨亦
逢漢節解沾衣

書適

老翁垂七十其實似童兒山果啼呼覓鄉灘喜笑隨羣嬉
累瓦增獨立照盆池更挾殘書讀渾如上學時

十一月四日風雨大作
僵臥孤村不自哀尚思爲國戍輪臺
夜闌臥聽風吹雨鐵馬冰河入夢來

病起

少年射虎南山下惡馬強弓看似無
老病卽今那可說出門十步要人扶

書巢冬夜待旦

掃葉擁階寒犬行編茆護柵老鷄鳴
風霜漸逼歲時晚形影相依燈火明
史策千年媿豪傑關河萬里愴功名
固應死抱無窮恨老病何由更請纓

冬晴閒步東村由故塘還舍作

紅藤拄杖獨相羊路遠東村小
黃傍水落枯萍黏蟹根

楠竹以取蟹謂之蟹根雲開寒日上漁梁
洛陽二頃言良是光範三書計本狂
歷盡危機識天意要令閒健反耕桑

寄宇文成州

成州太守比何如夢裏依然把酒初
復起卿當用卿法長閒吾實愛吾廬
五湖風雨孤舟夜萬里關山一紙書
正使兩翁長隔濶子孫它日莫相疎

春雨

午夜聽春雨發生端及期世憂殊未艾
天意固難知士節承平日人材南渡時
後生聞見狹撫枕歎吾衰

僧廬

僧廬土木塗金碧四出徵求如羽檄
富商豪吏多厚積宜其棄金如瓦礫
貧民妻子半菽食一飢轉作溝中瘠
賦斂

鞭笞縣庭赤持以與僧亦不惜古者養民如養兒勸相農
事憂其飢露臺百金止不為尚媿七月周公詩流俗紛紛
豈知此熟視創殘謂當爾傑屋大像無時止安得疲民免
飢死

贈劉改之秀才

君居古荊州醉膽天宇小尚不拜龐公况肯依劉表胸中
九淵蛟龍蟠筆底六月冰雹寒有時大叫脫烏憤不怕酒
盃如海寬放翁七十病欲死相逢尚能刮眼看李廣不生
楚漢間封侯萬戶宜其難

春社

太平處處是優場社日兒童喜欲狂且看參軍喚蒼鶻京
都新禁舞魚郎

村夜

寂寂山村夜悠然醉倚門月昏天有暈風軟水無痕迹為
遭讒遠身由不世尊敢嗟車馬絕同社自鷄豚

困甚戲書

官如枝頭乾不受雨露恩身如水上浮泛泛寧有根刈茆
以苫屋縛柴以為門故人分祿米隣父餉魚殮前門吏徵
租後門質襦裙不敢謀歲月且復支朝昏雨餘幽花折亦
可侑清尊吾生信已乎終老此山村

戲詠山陰風物

萬里秦吳稅駕蓬還鄉已嘆鬢成絲城邊綠樹山陰道水
際朱扉夏禹祠項里楊梅鹽可徹太白梁國吟云玉盤傷
梅為君設吳鹽如花皎
薦以鹽佳品未嘗用也湘湖蓴菜豉偏宜
蓴菜最宜鹽豉
所謂未下鹽豉

者言下應政則非羊酪可
敵蓋盛言薄羨之美爾
圖經草草尚堪恨好事它年采
此詩

癸丑七月二十七日夜夢遊華嶽廟

驛樹秋風急關城暮角悲平生忠憤意來拜華山祠
牲碑爲正朔祠祝衣冠神亦豈堪此出門山雨寒

僕頃在征西大幕登高望關輔樂之每冀王師拓定
得卜居焉暇日記此意以示子孫

八月殘暑退秋聲滿庭樹豈無四方志衰病迫霜露
稔惡天震怒南北會當一老吾悲不遇子孫勉西

遷俗厚吾所慕約已收孤嫠教子立門戶黍稌暗阡陌鶉
雉足七箸永爲河渭民勿憚關山路

秋夜感舊十二韻

冷螢綴蓬根忽復照高樹年光逝不留首感集遲算往者

秦蜀間慷慨事征戍猿啼鬼迷店馬噤飛石舖鬼迷店在
大散關下

飛石舖在小益
道中常有崩石危嶺高入雲朽棧劣容步天近星宿大江
惡蛟鼉怒意氣頗自奇性命那復顧最懷清渭上衝雪夜

掠度封侯細事爾所冀垂竹素兜鍪竟何成豈獨儒冠誤
當時妄校尉旗纛今照路浩歌遂成章聊慰老不遇

秋晚閒步隣曲以予近嘗卧病皆欣然迎勞
放翁病起出門行續文窺籬牧豎迎酒似病曠知社到甍
如盤大喜秋成歸來早覺人情好對此彌將世事輕紅樹

青山只如昨長安拜免幾公卿
雨夜
歲晚茆茨劣自容齒搖將脫髮將童心遊萬里關河外身

卧一窗風雨中，醫不可招，惟忍病書，猶能讀足。志窮夜闌，睡覺蚤聲裏，時見燈花落碎紅。

夢至洛中觀牡丹繁麗溢目，覺而有賦。

兩京初駕小羊車，顛顛江湖歲月賒。老去已忘天下事，夢中猶看洛陽花。妖魂盤骨千年在，朱彈金鞭一笑譁。寄語裘莫癡絕，祈連還汝舊風沙。

秋夜獨酌

壯志隨年減，羈愁與夜長。月高寒暈淡，花坼露枝香。仕畏謫銷骨，歸判酒腐腸。青燈寫孤影，相勸盡餘觴。

自嘲

歲月推遷萬事非，放翁可是白頭癡。此生竟出古人下，有志尚如年少時。僻學固應知者少，長歌莫問和予誰。自嘲

自解君毋怪，老大從人百不宜。

數日秋氣已深，清坐無酒，戲題長句。

漸近重陽天氣嘉，數椽茆竹淡生涯。山童擁篲埽黃葉，鄰女傷籬收碧花。避俗要生輪四角，出門何啻路三叉。晚窗酒盡無多歡，試問前村好事家。

東村散步有懷張漢州

扶杖村東路，秋來始此回。寒鴉盤陣起，野菊卧枝開。憂國丹心折，懷人雪鬢催。房湖八千里，那得尺書來。

排悶

四十從軍渭水邊，功名無命氣猶全。白頭爛醉東吳市，自拔長劒割彘肩。

西塞山前吹笛聲，曲終已過雜陽城。君能洗盡世間念，何

處樓臺無月明

放歌行

君不見汾陽富貴近古無二十四考書中書又不見慈明
起自布衣中九十五日至三公人生窮達各有命拂衣徑
去猶差勝介推焚死終不悔梁鴻寄食吾何病安用隨牒
東復西獻諛耐辱希階梯初無公論判涇渭徒使新貴矜
雲泥稽山一老貧無食衣破履穿面黧黑誰知快意舉世
無南山之南北山北

山頭石

秋風萬木實春兩百草生造物初何心時至自枯榮惟有
山頭石歲月浩莫測不知四時運常帶太古色老翁一生
居此山脚力欲盡猶躋攀時時撫石三歎息安得此身如

爾頑

野興

老去癡頑百不能非醒非醉日騰騰敲門惟有徵租吏好
事元無送米僧舊俗不還誰復念古書雖在漸難憑平生
意氣今如此惆悵西窗半夜燈

古築城曲

築城聲酸嘶漢月傷城低白骨若不掩高與長城齊
巖山訪秦碑斷裂無完筆惟有築城詞哀怨如當日

山園

山泉引派漲清池野蔓移根種短籬藝果極知非老事接
花聊復効兒嬉提壺言語開顏聽斲木衣襦緩步窺莫笑
題詩還滿紙小園幽事要君知

古別離

孤城窮巷秋寂寂美人停梭夜歎息空園露溼荆棘枝荒
蹊月照狐狸迹憶君去時兒在腹走如黃犢爺未識紫姑
吉語元無據况憑瓦兆占歸日嫁來不省出門前魂夢何
因識酒泉粉綿磨鏡不忍照女子盛時無十年

病起山居日有幽事戲作

鶴骨龜腸欲不禁扶衰初喜罷呻吟盆山水釋書窗暖藥
竈香濃道院淡筆健乍臨新獲帖手生重理舊傳琴閉門
局促還堪恨雲海何時豁此心

水村曲

山村今年晚禾旱奏下民租蠲大半水村雨足米狼戾也
放三分慰民意看榜歸來迭歌舞共喜清平好官府老翁

猶記軍興時汝輩少年那得知

賽神曲

擊鼓坎坎吹笙嗚嗚綠袍槐簡立老巫紅衫繡裙舞小姑
烏白燭明蠟不如鯉魚糝美出神厨老巫前致詞小姑抱
酒壺願神來享常權娛使我嘉穀收連車牛羊算歸塞門
闔鷄鶩一母生百雛歲歲賜粟年年滿租蒲鞭不施園土
空虛束草作官但形模刻木爲吏無文書淳風復還羲皇
初繩亦不結况其餘神歸人散醉相扶夜淡歌舞官道闕

涼州行

涼州四面皆沙磧風吹沙平馬無迹東門供張接中使萬
里朱宣布襖勅勅中墨色如未乾君王心念兒郎寒當街
謝恩拜舞罷萬歲聲上黃雲端安西北庭皆郡縣四朝

頁無征戰舊時

陷關中五丈原頭作邊面

七十

七十殘年百念枯，桑榆元不補東隅。但存隱具金鴉紫，那
夢朝衣玉鹿盧。身世蚕眠將作繭，形容牛老已垂胡。客來
莫問先生處，不釣娥江卽鏡湖。

正月二十日晨起弄筆

深院窗扉曉色遲，新愁宿醉兩參差。雨聲欲與夢相入，春
意不隨人共衰。零落殘梅臨小約，縱橫野水赴清池。物華
撩我緣何事，似恐新年漸廢詩。

新闢小園

西成歸來鬢已霜，生兒又過乃翁長。眼明身健殘年足，飯
軟茶甘萬事忘。學廢僅能書姓字，客來懶復倒衣裳。山園
寂寂春將晚，酷愛幽花似蜜香。

新展山園半畝強，笑人車馬出籠坊。山禽乍暖慙慙語，野
鷺無風自在香。點點水紋迎細雨，疎疎籬影界斜陽。出門
遙向隣翁說，釋耒相從共一觴。

久不得張漢州書

盡道三巴遠，邠無一紙書。衰遲自難記，不是故人疎。

春晚村居

一事元無可得忙，悠然半醉倚胡牀。牡丹枝上青春老，燕
子聲中白日長。身世已如風六鷁，文章仍似閨黃楊。太平
有象無人識，南陌東阡擣麩香。

遊雲山諸蘭若

花過木陰合，溪雲生。暮涼牛行響，白水鷺下點。青秧古寺

宛如管釋松森已行道傷松及三十年則偕輒伐去復種
耆年不下榻童子為燒香

園中小飲

此老胸中萬頃寬小園幽徑日追歡寧教酒欠尋常債耻
就人求本分官高柳陰濃煙欲曛叢花紅溼露初溥時月桂方
關要知澤國年光晚已過清明尚淺寒

鳥啼

野人無曆日鳥啼知四時二月聞子規春畊不可遲三月
聞黃鸝幼婦閔蚕飢四月鳴布穀家家蚕上簇五月鳴鴉
舅苗稚憂草茂人言農家苦望晴復望雨樂處誰得知生
不識官府葛衫麥飯有即休湖橋小市酒如油夜夜扶歸
常爛醉不怕行逢灞陵尉

題陽關圖

誰畫陽關贈別詩斷腸如在渭橋時荒城孤驛夢千里遠
水斜陽天四垂青史功名常蹭蹬白頭襟抱足乖離山河
未 塵暗一寸孤愁只自知

夜分不寐起坐園中至旦

涼氣蘇衰疾幽情入杖藜月驚孤鶴起天帶衆星西松菊
今彭澤山川古會稽清吟殊未愜嗟嗟已晨鷄

醉睡初覺偶作

小圃醒還醉幽窗起復眠虛明炷香地清潤斲花天老去
才雖盡窮來志益堅阿瞞那可語平日笑橋玄

閒中

閒中高趣傲羲皇身卧維摩示病牀活眼硯凹宜墨色長

毫甌小聚茶香門無客至惟風月
案有書存但老莊問我
東歸今幾日坐看庭樹共番黃

悶極有作

貴已不如賤狂應又勝癡
新寒壓酒夜微雨種花時
堂下藤成架門邊枳作籬
老人無日課有興即題詩

三峽歌

乾道庚寅予始入蜀上下三峽屢矣後二十五年歸
山陰偶讀梁簡文巴東三峽歌感之擬作九首實紹熙

甲寅十月二日也

神女廟前秋月明黃牛峽裏猿聲危
途性命不容恤百丈牽船侵夜行
不怕灘如竹節稠新灘已過可無憂
古粧峩峩一尺髻木

益銀盃邀客舟

十二巫山見九峰船頭彩翠滿秋空
朝雲暮雨渾虛語一

夜猿啼明月中

錦繡樓前看賣花麝香山下摘新茶
長安卿相多憂畏老向夔州不用嗟

險詐沾沾不愧天交情回首薄如烟
東遊萬里雖堪樂灘頭瞿塘要放船

巒江水碧瘴花紅白舫黃旗無便風
浩萬四時常避水棚居高出亂雲中

亂插山花簪子紅蠻歌相和瀼西東
忽然四散不知處踏月捫蘿歸洞中

萬州溪西花柳多四鄰相應竹枝歌
問君今夕不痛飲奈

此滿川明月何

我游南賓春暮時，蜀船曾繫挂猿枝。雲迷江岸屈原墳，花

落空山夏禹祠。

書室明煖終日婆娑，其間倦則扶杖至小園，戲作長

句

美睡宜人勝按摩，江南十月氣猶和。重簾不捲留香久，古

硯微凹聚墨多。月上忽看梅影出，風高時送鴈聲過。一杯

太淡君休笑，牛背吾方扣角歌。

初冬

老客人間百事慵，樂哉閉戶過今冬。初爐獸炭騰紅焰，夜

榻蠻紈擁紫茸。蚶刺圻蓬新栗熟，鴉雛弄色凍醅濃。題詩

正自消閒日，本不爭先萬戶封。

幽居

雨霽雞棲早，風高雁陣斜。園丁刈霜稻，村女賣秋茶。缺井

磨樵斧，枯桑繫釣槎。客來那用問，此是放翁家。

冬夜獨酌

寒水茫茫浸月明，疎鐘杳杳帶霜清。一樽濁酒有妙理，十

里荒鴉非惡聲。物外雖增新跌宕，胸中未洗舊崢嶸。頽然

坐聽蒲團穩，殘火昏燈伴五更。

雜詠園中菓子

不酸金橘種初成，無核枇杷接亦生。珍產已從幽圃得，濁

醪仍就小槽傾。

乘石榴隨餅作節，蠟櫻桃與酪同時。兩株偶向池邊種，可

喜今年墜折枝。

架垂馬乳收論斛港種雞頭采海船
龜鼎若爲占食指麴車未用墮饒涎
山杏谿桃本看花纍纍成實亦堪誇
鹽收蜜漬饒風味送與山僧下夜茶

歲暮感懷

家世本無年甲子近一周小子獨何辜
七十今平頭往者收朝迹亟欲求歸休
厚恩許奉祠得祿歲愈憂三釜不及親
顧爲妻子留何由洗此媿欲挽天河流
高皇昔中興風雨躬沐櫛一士未嘗遺
萬里皆馳日廉聽關言路虛懷詢得失
孤臣實艸芥亦獲對宣室龍顏宛在目
德不報萬一橋出松栢寒淚盡史臣筆
王師宿梁益行臺護諸將腐儒添碎言
萬里至渭上旌旗

照關路風雪暗戎帳堂堂鐵馬陣疊疊
木牛餉誰知骨相薄空負心膽壯回首
二十年撫事增悲愴在晉祖宗時風俗
極粹美人材兼南北議論忘彼此誰令
各植黨更仆而迭起中更既此風猶未
已臣不難負君生者固賣死儻築太平
基請自厚俗始井地以養民整整若棊
画初無甚貧富家有五畝宅哀哉古益
遠禍始開阡陌富豪役千奴貧老無寸
帛困窮禮義廢盜賊起促迫誰能講古
制壽我太平脉

贈應秀才

過宋不見元城公渡淮不見陳了翁
當時人人皆太息至今海內傾高風
老夫七十居鄉縣龔龔龍鍾何足見
辱君雪裏來叩門自說辛勤求識面
我得茶山一轉語文章切

忌參死句知君此外無他求有求寧踏三山路

山園雜詠

祠祿畱人未挂冠山園三畝著身寬百年竟向愁邊老萬
事元輸靜處看花徑糝紅供晚醉月天生暈作春寒汗青
事業都忘盡時賴吾兒舉話端

殘春終日在林亭散髮披衣醉復醒科斗已成鼃閣閣櫻
桃初結子青青魚遊滄海寧濡沫禽慕雕籠卽翦翎薄晚
東風吹小雨笑攜長鏡伴畦丁

春晚懷山南

梨花堆雪柳吹絲常記梁州古驛前二十四年成昨夢每
逢春晚卽悽然
壯歲從戎不憶家梁州裘馬關豪華至今夜夜尋春夢猶

在吳園藉落花

身寄江湖兩鬢霜金鞭朱彈夢猶狂遙知南鄭城西路月
與梨花共斷腸

春晚雜興

澤國固多雨算春猶薄寒兒童茸茶舍婦女賽蚕官閱世
年雖往爲農興未闕窮途得一飽亦足慰艱難

池面萍初紫牆頭杏已青攜兒撐小艇畱客坐孤亭相浚
無侯骨生平直酒星正須遺萬事莫遺片時醒
小市湖橋北幽居石埭西蒲深姑惡哭樹密姊歸啼山茗
封青箬村醅坵赤泥平生汗簡手投老慣扶犁

病瘍無意緒閉戶作生涯草草半盂飯悠悠一盃茶笑穿
居士屨閒看女郎花

唐人謂辛夷爲女郎花
中有此花一叢二百朵

事忘家卽出家

齋中雜題

列屋娥眉不足誇，可齋別自是生涯。閒將西蜀團窠錦，自背南唐落墨花。
裴几硯涵鸚鵡眼，古奩和斷鷓鴣斑。絕知造物慙慙意，成就衰翁到死閒。

上巳書事

單衣初著下湖天，飛蓋相隨出郭船。得雨人人喜秧信，祈蠶戶戶斂神錢。
黃鷄煮雁無停筍，青韭淹菹欲墮涎。丞相傳聞又三押，衡茅未改日高眠。

春夏之交風日清美欣然有賦

芳潤園林不似貧，年光無盡逐番新。來禽顏色不禁雨，搏黍語言如惜春。
身外豈關吾輩事，鏡中已換昔時人。神僊定未超塵俗，猶插金貂侍帝晨。

初夏行平水道中

老去人間樂事稀，一年容易又春歸。市橋壓擔蓴絲滑，村店堆盤豆莢肥。
傍水風林鶯語語，滿園煙草蝶飛飛。郊行已覺侵微暑，小立桐陰換夾衣。

幽棲

閒人了無事，地僻稱幽棲。時米留鷄食，移琴避燕泥。桐生窗欲暗，筍長徑還迷。
不作容車計，門閒儘放低。誰謂幽棲陋，茅茨足庇林。雨便梧葉大，風度練花香。
洛佛兒童喜，繅絲婦女忙。揭來三十載，吾鬢固宜霜。

湖之三山今甫三十年矣

十月十七日予生日也孤村風雨蕭然偶得二絕句
平生淮上是日平旦大風雨駭人及予墮地雨乃
止

少傅奉詔朝京師檣船生我淮之湄宣和七年冬十月猶
是中原無事時

我生急雨暗淮天出沒蛟鼉浪入船白首功名無尺寸茅
簷還聽雨聲眠

枕上偶成

放臣不復望脩門身寄江頭黃葉村酒渴喜聞疎雨滴夢
回愁對一燈昏河潼形勝寧終棄周漢規模要細論自恨
不如雲際雁南來猶得過中原

舍北開望作六字絕句

潘岳一篇秋興李成八幅寒林舍北偶然倚杖盡見古人
用心

題菴壁

身似蝸牛麤有廬却緣無用得安居地爐封火欺寒雨紙
閣油窗見細書麴熟山僧分餽飪船來溪友餉薪樗閉門
莫笑衰頰甚讀易論詩亦未疎

貧甚作短歌排悶

閒何濶逢諸葛良人常憂不得活事不詰問文開不蹋權
門更可哀卽今白髮如霜艸一飽茫然身已老惟有躬耕
差可爲賣劍買牛悔不早年豐米賤身獨饑今朝得米無
薪炊地上去天八萬里空自呼天天豈知

雨夜有懷張季長少卿

放翁雖老未忘情，獨卧山村每自驚。鼎鼎百年如電速，寥寥一笑抵河清。梅初破，蕙行江路燈欲成。花聽雨聲正用此時，息劇飲故交零落陰餘生。

春思

七十老翁身退耕，可憐未減舊風情。典衣取酒那論價，秉燭看花每到明。江浦時時逢西樾，寺樓處處聽新鶯。此生無復陽關夢，不怕樽前唱渭城。

丙辰上元前一日

弊裘破帽髮鬢昏，宛似山房罷講僧。身病不禁連夜雨，家貧只挂去年燈。修椽柳外掀樓角，危檻雲間露塔層。自笑閒遊本無定，興闌隨處倚枯藤。

懷舊

狼煙不舉羽書稀，幙府相從日打圍。最憶定軍山下路，亂飄紅葉滿戎衣。

翠崖紅棧鬱參差，小益初程景最奇。誰向豪端收拾得，李將軍画少陵詩。

幽居初夏

湖山勝處放翁家，槐柳陰中野徑斜。水滿有時觀下鷺，艸深無處不鳴蛙。籜龍已過頭，番筍木筆猶開第一花。歎息老來交舊盡，睡餘誰共午甌茶。

六月二十四日夜分夢范至能李知幾尤延之同集

江亭諸公請予賦詩記江湖之樂，詩成而覺忘數字而已。

露箬霜筠織短篷，飄然來往淡煙中。偶經菱市尋谿友，却

棟癘汀下釣筒白菡自香初過雨紅蜻蜒弱不禁風吳中
近事君知否團扇家家畫放翁

閒居自述

自許山翁嬾是真紛紛外物豈關身花如解笑還多事石
不能言最可人淨掃明窗憑素几閒穿密竹岸島巾殘年
自有青天管便是無錐也未貧

秋雨初霽試筆

墨入紅絲點漆濃閒將倦筆寫秋容雨聲已斷時聞滴雲
氣將歸別起峰斜日半穿臨水竹好風遙送隔城鐘遠遊
更動輕舟興太息何人解見從

舍北搖落景物殊佳偶作

路擁新霜葉溪餘舊漲沙栖鳥初滿樹歸鴨各知家世事

元堪笑吾生固有涯南村聞酒熟試遣小童賒

屋角成金字溪流作縠紋斜通小橋路半掩夕陽門孤艇

衝煙過疎鐘隔塢聞杜門非獨病實自厭紛紛

艸徑人稀到柴扉手自開林疎鴉小泊溪淺鷺頻來簷角

除瓜蔓牆隅斲芋魁東鄰膾肉至一笑舉新醅

醉中信筆作四絕句既成懼觀者不知野人本心也

復作一絕

麥野桑村有酒徒過門相覓醉相扶朱門日日教歌舞也

有儂家此樂無

過得一日過一日人間萬事不須謀鄰家幸可賒芳醞紅

藥何曾笑白頭

今朝賣穀得青錢自出街頭買蕪肩艸火燎來香滿屋未

探字反用

容下筋已流涎
老病人間足畏途
怕人渾似怕於菟
晴明頗動青鞵興
先探門前有客無
治道巍巍本易成
狂言安得略施行
太平事業人皆見
不計封倫死與生

睡起至園中

春風忽已遍天涯
老子猶能領物華
淺碧細傾家釀酒
小紅初試手栽花
野人易與輸肝肺
俗語誰能挂齒牙
更欲世間同省事
勾回蟻戰放蜂衙

雨中作

三日雨頻作
昏昏饒睡眠
泥濘散酒市
風惡惱燈天
茆屋松明照
茶鑪雪水煎
山家自出趣
撫枕寄悠然

短髮白如絲
梅花似舊時
掩屏愁入夢
隱几雨催詩
病後陰天劇
春綠閨歲遲
非關畏車馬
衰甚實難支

立春日

花壓烏巾酒滿卮
舊逢春日恨春遲
如今病卧孤村裏
過了新春也不知

春行

九日春陰一日晴
強扶衰病此閒行
猩紅帶露海棠溼
鴨綠平堤湖水明
杜于美曉看紅溼處花重錦官城李太白蜀江紅日明用溼字明字可謂奪造化之功世未有酒底柳陰逢醉卧土肥稻壟看溪耕山翁莫道
渾無用解與明時說太平

賞花至湖上

吾國名花天下稀
園林盡日斂朱扉
蝶穿密葉常相失
蜂

戀繁香不記歸，欲過用愁風蕩漾。半開却要雨霏微，良辰樂事真當勉。莫遣怱怱一片飛。

暮春

數間茆屋鏡湖濱，萬卷藏書不救貧。燕去燕來還過日，花開花落卽經春。開編喜見生平友，照水驚非曩歲人。自笑一心尚在憑高慷慨欲忘身。

七十三吟

七十三年事事新，涵濡幸作六朝民。髮無可白方爲老，酒不能除始覺貧。末路已悲身是客，此心猶與物爲春。柴門勿謂常岑寂，時有鄉鄰請藥人。

舍北行飯書觸目

晚飧初潑一甌茶，曳杖閒行興未涯。煙樹參差墨濃淡，風鴉零亂字橫斜。夕陽偏傍平橋路，寒蝶猶依晚菊花。堪笑衰翁耐荒寂，短衣霑露未還家。

春近山中卽事

節物貧家有故常，春盤蠟粥逐時忙。悠悠歲月催雙鬢，艸艸鷄豚薦一觴。人意自殊平日樂，梅花寧減故時香。小園新展西南角，桂樹青蘿百尺長。

雪夜感舊

江月亭前檠燭香，龍門閣上馱聲長。亂山古驛經三折，小市孤城宿兩當。晚歲猶思事鞍馬，當時那信老耕桑。綠沉金鎖俱塵委，雪洒寒燈淚數行。

將進酒

我欲挽住北斗杓，常指蒼龍無動搖。春風日夜吹艸木，只

有榮盛無時凋我欲刻斷日行道陽鳥當空月杲杲非惟
四海常不夜亦使人生失衰老如山積麴高崔嵬大江釀
作蒲萄醅頽然一醉三千盃借問白髮何從來

雜感

志士山棲恨不淺人知已是負初心不須先說巖光輩直
自巢由錯到今

百年鼎鼎成何事寒暑相催卽白頭縱得金丹真不死摩
挲銅狄更添愁

山人那信宦途艱強著朝衣趁曉班豪氣不除狂態作始
知只合死空山

故舊書來訪死生時聞剝啄叩柴荆自嗟不及東家老至
死無人識姓名

幽居

小舫藤爲纜幽居竹織門短籬圍藕蕩細路入桑村魚膾
樣頭美醅傾粥面渾殘年謝軒冕猶足號黎元

夏日

過眼春光久已空曬絲擣麥又匆匆新泥滿路梅黃雨古
木號山月暈風角黍芟新開罇祖靈符墨溼照房櫳歲華
不爲衰翁駐且付餘生一笑中

雨斷雲歸旋作晴尚餘紅濕在簾旌燕雛掠地飛無力梅
子臨池墜有聲米糲解包供午餉萍齏傷枕析朝醒此翁
不負頑軀處捫腹時時遠舍行

感舊

要識梁州遠南山在眼邊霜郊熊撲樹雪路馬蒙羶慘淡

遺壇側拜韓信壇蕭條古廟墟沔陽有蜀後主所立武侯廟百詩猶可想歎息遂無傷予山南雜詩百餘篇舟行過望雲灘墜水

夜涉南沮水朝過小益城梯山天一握度棧土微平雨近秦雲暗霜高隴月明至今孤夢裏喝馬有遺聲喝馬皆七字韻語聞

之悲愴動人

早發金堆市更衣石櫃亭灘聲秋後壯山色雨餘青道淨愁車轍橋危避馳鈴功名竟何在撫事感頽齡

塵土暗貂裘森然白髮稠年光真袞袞吾事竟悠悠馬宿平沙夜軍中馬及廢卒夏夜皆露宿沙上烽傳絕塞秋平安火並南山故人零落盡追寫只添愁

秋夕露坐作

銀河半落露華清南斗闌干北斗明冉冉方悲老將至纖

纖又歎月初生酒林細滴香浮瓮衣杵相聞聲滿城萬卷讀書無用處却將耕稼報昇平

秋思

身似麗翁不出家一窗自了淡生涯山薑零落初成子石竹淒涼半吐花寒澗挹泉供試墨墮巢篝火喚煎茶掩關本意君知否兩耳衰年不耐謹

豐歲

豐歲驩聲動四鄰淡秋景氣象如春羊腔酒擔爭迎婦鼉鼓龍船共賽神處處喜晴過甲子家家築屋趁庚申老翁欲伴鄉閭醉先辦長衫紫領巾

秋賽

柳姑廟前煙出浦冉冉紫空臺一縷須臾散作四山雲明

日來爲社公雨小巫屢舞大巫歌士女拜祝肩相摩芳茶
綠酒進雜選長魚大裁高嗟峨常年徵科煩筆楚縣家血
涇庭前土妻啼兒號不敢怨期會常憂累官府今年家家
有餘粟縣符未下輸先足木刻吏蒲作鞭自然粟帛如流
泉儲積不愁無九年

小舟過吉澤效王右丞

澤園霜露晚孤村煙火微本去官道遠自然人迹稀木落
山盡出鐘鳴僧獨歸漁家閒似我未夕閉柴扉

太息

自古才高每恨浮偉人要是出中州卽今未必無房魏埋
沒沙死卽休

關輔堂堂墮

渭城杜曲又逢春安知今日新豐市不

有悠然獨酌人

歲首書事

東風入律寒猶劇多稼占祥雪欲成

雲陰作雪彌旬至開歲雪意愈濃明日成

初立春猶可鬱壘自書誇腕力屠蘇不至歎人情

今歲無

者呼盧院落譁新歲

鄉俗歲夕聚博

賣困兒童起五更立

未明相呼賣春困亦舊俗也

白髮滿頭能且健剗

隨鄰曲樂昇平

菴中獨居感懷

無錢溪女亦留魚有雨東家每借驢
熬粥數匙晨壓藥松肪一碗夜觀書
黃紬被暖閒無厭白布衫長樂有餘南陌
東阡春事動放翁作計未全疎

春日園中作

杏花開過尚輕寒盡日無人獨倚闌
久別名山憑夢到每

思舊友取書看塵埃辛已賒腰折富貴淡知公面團老去
逢春都有幾一杯行復送春殘

春日小園雜賦

市塵不到放翁家繞麥穿桑野徑斜夜雨長流三尺水曉
寒畱得一分花悶從鄰舍分春瓮閒就僧窗試露芽自此
年光應更好日驅秧馬聽縑車

春思

兀兀治尊酒未醒霏霏潑火雨初晴愁看入戶桃花片閒
聽爭巢燕子聲百疾侵陵成老大一春轉盼又清明蘭亭
禹廟渾如昨回首兒時似隔生

白樂天詩云倦倚繡牀愁不動緩坐綠帶髻鬟低遶
陽春盡無消息夜合花前日又西好事者畫之爲

倦繡圖此花以五六月開山中多于茨棘人殊不
覺之爲賦小詩以寄感歎

王室東遷歲月賒兩京漠漠暗沙繡牀倦倚人何在風
雨漫山夜合花

蜉蝣行

蜉蝣至細能知時春風禮雨占無遺蜻蜓滿空乃不知庭
除一出無歸期樂哉蜻蜒高下飛蜉蝣未盡何憂飢簷間
蜘蛛亦伺汝吐絲織網腹如鼓

村舍雜書

中春農在野蚕事亦隨作手種臨安青桑可飼蚕百箔累
累繭滿簇繹繹絲上篋老子雖安眠衣帛可無作
舍南種胡麻三日幸不雨晨起親按行已見青覆土窮人

如意少喜色漏看字兒童勿情偷造物不負汝

五月新麪成六月甘瓜熟作麪及良時火見金始使懸知

桑落後法醉面濃如粥再拜謝天公無功叨美祿子家釀用宛丘瓜麪

折蓮釀作醯豕豆治作醬開曆揆日時汲井滌瓮盎上奉

時祭須下給春耕餉咨爾後之人歲事不可曠

東山石上茶鷹瓜初脫鞣雪落紅絲磴香動銀毫甌爽如

聞至言餘味終日留不知葉家白亦復有此不

逢人乞藥栽鬱鬱遂滿園玉芝來天姥黃精出雲門丹苗

雨後吐綠葉風中翻活人吾豈能要有此意存

軍興尚戎衣冠帶謝褒博禿巾與小襲顧影每懷作及今

反士服始覺榮天爵出入阡陌間身有餘樂

